

後

漢

書

二

帝紀卷第二

范曄

後漢

唐章懷太子



顯宗孝明帝

顯宗孝明皇帝諱莊

謚法日照臨四方曰明伏侯古今注曰莊之字曰嚴

光武第四子也母陰皇后帝生而豐下

杜預

注左傳云豐下蓋面方也東觀記云帝豐下兌上項赤色有似於堯

十歲能通春

秋光武奇之建武十五年封東海公十七

年進爵為王十九年立為皇太子師事博

士栢榮學通尚書中元二年二月戊戌即

後漢書紀二

李赫

皇帝位年三十尊皇后曰皇太后三月丁

卯葬光武皇帝於原陵

帝王紀曰原陵方三百二十步高六丈在

臨平亭東南去洛陽十五里

有司奏上尊廟曰世祖夏四

月丙辰詔曰予末小子奉承聖業夙夜震

畏不敢荒寧先帝受命中興德侔帝王協

和萬邦假於上下

假至也音格

懷柔百神惠於

鰥寡

懷安也柔和也禮曰凡山林能興雲致雨者皆曰神有天下者祭百神懷柔百神也書曰

惠于朕承大運繼體守文

創基之主則尚武功以定禍亂其次

繼體而立者則守文德殷梁傳承明繼體則守文之君也

不知稼穡之艱

難懼有廢失聖恩遺戒顧重天下以元元

為首公卿百僚將何以輔朕不逮其賜天

下男子爵人二級前書音義曰男子者謂戶內之長也商鞅為秦制爵二十

級一公士二上造三簪裹四不更五大夫六官大夫七公大夫八公乘九五大夫十左庶長十一右庶長

十二左更十三中更十四右更十五少上造十六大上造十七駟車庶長十八大庶長十九關內侯二十

徹侯人賜爵者有罪得贖貧者得賣與人三老孝悌力田人三級

三老孝悌力田三者皆鄉官之名三老高帝置孝悌力田高后置所以勸導鄉里助成風化也文帝詔曰

孝悌天下之大順也力田為生之本也三老眾人之師也其以戶口率置負事見前書爵過

公乘得移與子若同產同產子漢制賜爵自公士已上不

後漢帝紀二

二

李芳

得過公乘故過者得移授也同產同母兄弟也及流人無名數欲自占

者人一級無名數謂無文簿也占謂自歸首也鰥寡孤獨篤癯

粟人十斛其施刑及郡國徒在中元元年

四月己卯赦前所犯而後捕繫者悉免其

刑又邊人遭亂為內郡人妻在己卯赦前

一切遣還邊恣其所樂中二千石下至黃

綬漢制二百石以銅印黃綬也貶秩贖論者悉皆復秩還

贖方今上無天子下無方伯公羊傳曰上無天子下無方伯

此制引以為謙也若涉淵水而無舟楫夫萬乘至重

而壯者慮輕帝謙言年尚少壯思慮輕淺故須賢人輔弼實賴有

德左右小子賴恃也左右助也高密侯禹元功之首

東平王蒼寬博有謀並可以受六尺之託

臨大節而不撓六尺謂年十五已下太節謂大事撓屈也音女孝反其

以禹為太傅蒼為驃騎將軍太尉熹告謚

南郊趙熹也應劭風俗通曰禮臣子無爵謚君父之義也故羣臣累其功美葬日遣太尉於南

郊告天而謚之司徒訢奉安梓宮李訢也梓宮以梓木為棺風俗通曰

宮者存時所居緣生事死因以為名司空魴將校復土馮魴也將校謂將領

五校兵以穿壙也前書音義曰復土主穿壙填塞事也言下棺訖復以土為墳故言復土其封

後漢帝紀二

三

揚其

熹為節鄉侯訢為安鄉侯魴為楊邑侯秋

九月燒當羌寇隴西敗郡兵於允街允街縣名

也允音鉛街音佳屬金城郡故城在今涼州昌松縣東南城臨麗水一名麗水城赦隴西

囚徒減罪一等勿收今年租調又所發天

水三千人亦復是歲更賦更謂戍卒更相代也賦謂雇更之錢

也前書音義曰更有三品有卒更有踐更有過更古正卒無常人皆當迭為之有一月一更是為卒更貧

者欲得雇更錢次直者出錢雇之月二千是為踐更古者天下人皆當戍邊三日亦名為更不可人人自

行三日戍當行者不可往即還因住一歲次直者出錢三百雇之謂之過更遣謁者張

鴻討叛羌於允吾允吾縣名屬金城郡故城在今蘭州廣武縣西南允音浴

吾音鴻軍大敗戰歿冬十一月遣中郎將

竇固監捕虜將軍馬武等二將軍討燒當

羌十二月甲寅詔曰方春戒節人以耕桑

其勅有司務順時氣使無煩擾禮記孟春之月布德和今

行慶施惠仲春無作大事以妨農事天下亡命殊死以下聽得

贖論死罪入練二十匹右趾至髡鉗城旦

春十匹前書音義曰右趾謂刑其右足次刑左足次刑左足

同寇虜夜暮築長城春者婦人犯罪不任軍役之事但令春以食徒者宇城日春至

司寇作三匹宇者謂不加髡鉗而築城也次其

後漢帝紀二

四

陳彦

未發覺詔書到先自告者半入贖今選舉

不實邪佞未去權門請託殘吏放手放手謂貪

縱為非也百姓愁怨情無告訐有司明奏罪名

并正舉者舉非其人並正舉主之罪又郡縣每因徵發輕

為姦利詭責羸弱先急下貧其務在均平

無令枉刻

永平元年春正月帝率公卿已下朝於原

陵如元會儀漢官儀曰古不墓祭秦始皇起寢於墓側漢因而不改諸陵寢皆以

晦望二十四氣三伏社臘及四時上飯其親陵所宮人隨鼓漏理被枕具盥水陳莊具天子以正月上原

陵公卿百官及諸侯王郡國計吏皆當軒下占其郡國穀價四方改易欲先帝魂魄聞之也元會儀見下

夏五月太傅鄧禹薨戊寅東海王彊薨遣

司空馮魴持節視喪事賜升龍旄頭鑿輅

龍旄旄頭見光武紀鑿鈴也在鑣交龍為旄唯天子用之今特賜以葬六月乙

卯葬東海恭王秋七月捕虜將軍馬武等

與燒當羌戰大破之募士卒戍隴右賜錢

人三萬八月戊子徙山陽王荆為廣陵王

遣就國是歲遼東太守祭彤使鮮卑擊赤

山烏桓大破之斬其渠帥赤山在遼東西北數千里越

後漢帝紀二

五

本考

舊姑復夷叛姑復縣名州郡討平之

二年春正月辛未宗祀光武皇帝於明堂

帝及公卿列侯始服冠冕衣裳玉佩約屨

以行事漢官儀曰天子冠通天諸侯王冠遠遊三公諸侯冠進賢三梁卿大夫尚書二千石

博士冠兩梁二千石已下至小吏冠一梁天子公卿特進諸侯祀天地明堂皆冠平冕天子十二旒三公

九卿諸侯七其纓各如其綬色玄衣纁裳周禮曰王祀昊天上帝則服大裘而冕祀五帝亦如之三禮圖

曰冕以三十升布漆而為之廣八寸長尺六寸前圓後方前下後高有俛伏之形故謂之冕欲人之位彌

高而志彌下故以名焉董巴輿服志曰顯宗初服冕衣裳以祀天地衣裳以玄上纁下乘輿備文日月星

辰十二章三公諸侯用山龍九章卿已下皆織成陳留襄邑章皆五色采乘輿刺繡公卿已下皆織成陳留襄邑

獻之徐廣車服注曰漢明帝案古禮備其服章天子郊廟衣阜上絳下前三幅後四幅衣畫而裳繡禮記曰古之君子必佩玉君子於玉比德焉天子佩白玉公侯佩山玄玉大夫佩水蒼玉世子佩瑜玉周禮履人掌王赤舄青絢鄭玄注云赤舄為上冕服之舄也絢屨鼻頭以青綵飾之絢音劬三禮圖曰屨複下曰舄其色各隨裳色

禮畢登靈臺使尚書令持節詔驃騎將軍三公曰今令月吉日宗祀光武皇

帝於明堂以配五帝五經通義曰蒼帝靈威仰赤帝赤熛怒黃帝含樞紐

白帝白招矩黑帝汁光紀牲幣及玉各依方色禮備法物樂和八音

詠祉福舞功德祉亦福也詠謂詩云降福穰穰之類景帝詔曰歌者所以發德

舞者所以明功其班時令勅羣后班布也時令謂月令也四時各有令若有

後漢帝紀二

六

李秀

乖舛必致妖事畢升靈臺望元氣吹時律觀

物變元氣天氣也王者承天心理禮樂通上下四時之氣也故望之焉時律者即月令孟春律

中太族仲春律中夾鍾之類大戴禮曰聖人截十二管察八音之清濁謂之律呂律呂不正則諸氣不和

周禮保章氏以五雲之色辨吉凶水旱豐荒之稜象鄭司農注云以二至二分觀雲色青為蟲白為喪赤

為兵荒黑為水黃為豐故春秋傳曰凡分至啓閉羣必書雲物為備故也杜預注云物謂氣色災變也羣

僚藩輔宗室子孫眾郡奉計百蠻貢職奉計

謂計吏也詩曰因時百蠻百言眾多也獨言蠻通四夷烏桓濊貊咸來助

祭單于侍子骨都侯亦皆陪位斯固聖祖

功德之所致也朕以閭陋奉承大業親執

珪璧恭祀天地

周禮曰四圭尺有二寸以祀天又曰以蒼璧禮天以黃琮禮地

以青圭禮東方以赤璋禮南方以白琥禮西方以玄璜禮北方仰惟先帝受命

中興撥亂反正以寧天下

撥理也公羊傳曰撥亂世反之正莫

近於春秋封泰山建明堂立辟雍起靈臺恢弘

大道被之八極

淮南子曰九州之外有八寅八寅之外有八紘八紘之外有八極

而胤子無成康之質羣臣無呂旦之謀

明帝

自謂無成康之時刑措不用四十餘年

盥洗進爵踧踏惟慙

鄭玄

注論語云踧踏敬恭貌盥音管

素性頑鄙臨事益懼故君子

坦蕩蕩小人長戚戚

坦蕩明達之貌戚戚常憂懼也

其今天

後漢帝紀二

七

陳仲

下自殊死已下謀反大逆皆赦除之百僚

師尹其勉修厥職順行時令敬若昊天以

綏兆人

若順也

三月臨辟雍初行大射禮

儀禮

曰大射之禮王將祭射官擇士以助祭也張虎侯熊侯豹侯其制若今之射的矣謂之為侯者天子射中

之可以服諸侯也天子侯中一丈八尺畫以雲氣焉王以六耦射三侯樂以騶虞九節諸侯以四耦射二

侯樂以狸首七節孤卿大夫以三耦射一侯樂以采蘋五節士以二耦射豝侯樂以采蘩三節秋

九月沛王輔楚王英濟南王康淮陽王延

東海王政來朝冬十月壬子幸辟雍初行

養老禮詔曰光武皇帝建三朝之禮而未

及臨饗

三朝之禮謂中元元年初起明堂辟雍靈臺也

眇眇小子屬

當聖業

尚書康王曰眇眇小子猶微微也

間暮春吉

辰初行大射令月元日

東觀記曰十月元日

復踐辟雍

尊事三老兄事五更安車輦輪供綏執授

侯王設醬公卿饌珍朕親袒割執爵而酌

孝經援神契曰尊事三老父象也宋均注曰老人知天地之事者安車坐乘之車輦輪以蒲裹輪輦音而

究反三老就車天子親執綏授之訖文綏車中把也五更老人知五行更代事者漢官儀曰三老五更皆

取有首妻男女全具者續漢志曰養三老五更先吉日司徒上太傅若講師故三公人名用其德行年者

高者三公一人為三老次卿一人為五更皆服絺紵大袍單衣卓緣領袖中衣冠進賢扶玉杖五更亦如

後漢帝紀二

八

李椿

之不杖皆齊于太學講堂其日乘輿先到辟雍禮殿坐于東廂遣使者安車迎三老五更天子迎于門屏

交拜導自阼階三老自賓階外東面三公設几杖九卿正履天子親袒割俎執醬而饋執爵而酌五更南

面三公進供禮亦如之明日皆詣闕謝以其於己禮太隆也醬醢也珍謂肴羞之屬即周禮八珍之類鄭

玄注儀禮云酌漱也所以潔口音胤祝哽在前祝噎在後

祝之令其不哽噎也升歌鹿鳴下管新宮

詩小雅篇名也新宮小雅逸篇也升登也登堂而八歌所以重人聲也燕禮曰升歌鹿鳴下管新宮

佾具脩萬舞於庭

佾列也謂舞者行列也左氏傳曰天子八佾諸侯六大夫四士二夫舞所以節八音而行八風故

以克當易陳負乘詩刺彼已

易曰負且乘致寇至負也者小

朕固薄德何

人之事也乘也者君子之器也小人而乘君子之器盜思奪之矣詩曰彼己之子不稱其服也永念

慙疚無忘厥心三老李躬年耆學明五更

栢榮授朕尚書詩曰無德不報無言不酬

詩大雅也其賜榮爵關内侯食邑五千户三老

五更皆以二千石禄養終厥身其賜天下

三老酒人一石肉四十斤有司其存者耆

禮記曰六十曰耆七十曰耄釋名曰耆指也不從恤

幼孤惠鰥寡稱朕意焉中山王焉始就國

甲子西巡狩幸長安祠高廟遂有事於十

後漢帝紀二

九

未安明

一陵歷覽館邑會郡縣吏勞賜作樂十一

月甲申遣使者以中牢祠蕭何霍光帝謁

陵園過式其墓東觀漢記曰蕭何墓在長陵東司馬門道北百步又云霍光墓

在茂陵東司馬門道南四里式帶也禮記曰行過墓必式進幸河東所過賜

二千石令長已下至於掾史各有差續漢志曰

郡國及縣諸曹皆置掾史癸卯車駕還宮十二月護羌校

尉竇林下獄死是歲始迎氣於五郊續漢書曰

迎氣五郊之北四方之北各依其位中央之北在未壇皆二尺立春之日迎春於東郊祭青帝句芒車服

皆青歌青陽八佾舞雲翹之舞立夏之日迎夏於南郊祭赤帝祝融車服皆赤歌朱明八佾舞雲翹之舞

先立秋十八日迎黃靈於中北祭黃帝后土車服皆黃歌朱明八佾舞雲翹育命之舞立秋之日迎秋於西郊祭白帝蓐收車服皆白歌白藏八佾舞育命之舞立冬之日迎冬於北郊祭黑帝玄冥車服皆黑歌玄冥八佾舞

主就坐自殺酈縣屬南陽郡酈音櫟

三年春正月癸巳詔曰朕奉郊祀登靈臺

見史官正儀度儀謂渾儀以銅為之置於靈臺王者正天文之器也度謂日月

星辰之行度也史官即夫春者歲之始也始得

其正則三時有成正謂日月五星不失其次也三時謂春夏秋左傳曰務其

三時比者水旱不節邊人食寡政失於上人

後漢帝紀二

十

李芳

受其咎有司其勉順時氣勸督農桑去其

螟蟻以及螯賊爾雅曰食苗心曰螟食節曰賊食根曰螯蟻一名短弧今之水

弩舍沙射人為災言此者欲詳刑慎罰明察單

辭單辭猶偏辭也夙夜匪懈以稱朕意二月甲寅

太尉趙熹司徒李訢免丙辰左馮翊郭丹

為司徒己未南陽太守虞延為太尉甲子

立貴人馬氏為皇后皇子烜音丁達反為皇太

子賜天下男子爵人二級三老孝悌力田

人三級流人無名數欲占者人一級鰥寡

孤獨篤瘡貧不能自存者粟人五斛夏四

月辛酉封皇子建為千乘王千乘國名今青州縣故城在今

淄州高苑北羨為廣平王六月丁卯有星孛于

天船北天船星名續漢志曰天船為水彗出之為大水是歲伊洛水溢到津城門伏侯古今

注曰彗長三尺所見三十五日乃去秋八月戊辰改大樂為大

子樂尚書璇機鈴曰有帝漢出德洽作樂名子故據璇機鈴改之漢官儀曰大子樂令一人秩

六百石壬申晦日有蝕之詔曰朕奉承祖業

無有善政日月薄蝕彗孛見天水旱不節

稼穡不成人無宿儲下生愁墊儲積也墊溺也音丁念反

後漢帝紀二 十一 章朝

雖夙夜勤思而智能不逮昔楚莊無災以

致戒懼說苑曰楚莊王見天不見妖而地不出孽則禱于山川曰天其忘余歟此能求過于

天必不逆諫矣魯哀禍大天不降譴春秋感精符曰魯哀公時政彌

亂絕不日食政亂之類當致日食之變而不應者譴之何益告之不悟故哀公之篇絕無日食之異今

之動變儻尚可救有司勉思厥職以匡無

德古者卿士獻詩百工箴諫國語曰天子聽政公卿至于庶

士獻詩師箴百工諫庶人傳語近臣盡規而後王斟酌事焉其言事者靡有

所諱冬十月蒸祭光武廟禮記曰冬祭曰蒸蒸衆也冬物畢成

可祭者衆初奏文始五行武德之舞前書曰文始舞者本

舜韶舞也高祖六年更名曰文始其舞人執羽籥五行者本周舞也秦始皇二十六年更名曰五行其舞人冠冕衣服法五行色武德者高祖四年作言行武以除亂也其舞人執干戚光武草創禮樂未備今始奏之故云初也

甲子車駕從皇太后幸章陵觀舊廬十二月戊辰至自章陵是歲起北宮及諸官府京師及郡國七大水

四年春二月辛亥詔曰朕親耕藉田以祈

農事禮記曰天子親耕于東郊為藉田千畝冕而朱紘躬秉耒耜五經要義曰天子藉田以供

上帝之粢盛所以先百姓而致孝敬也藉蹈也言親自蹈履于田而耕之續漢志云正月始耕既事告祠先農漢舊儀曰先農即神農炎帝也祠以太牢百官皆從皇帝親執耒耜而耕天子三推三公五孤卿七

後漢帝紀二

十二

林樞

大夫十二士庶人終畝乃致藉田倉置令丞以給祭天地宗廟以為粢盛

京師冬無宿雪春不燠沐燠暖也音於六反沐潤澤也言無暄潤之氣也煩勞

羣司積精禱求積精猶儲積也說文云告事求福曰禱而比再

得時雨宿麥潤澤其賜公卿半奉有司勉

遵時政務平刑罰秋九月戊寅千乘王建

薨冬十月乙卯司徒郭丹司空馮魴免丙

辰河南尹范遷為司徒太僕伏恭為司空

十二月陵鄉侯梁松下獄死坐縣飛書誹謗

五年春二月庚戌驃騎將軍東平王蒼罷

歸藩琅邪王京就國冬十月行幸鄴與趙
王相會鄴常山三老言於帝曰上生於元
氏願蒙優復詔曰豐沛濟陽受命所由加
恩報德適其宜也今永平之政百姓怨結
而吏人求復令人愧笑重逆此縣之拳拳
重難也拳拳猶勤勤也禮記曰其復元氏縣田租
得一善則拳拳服膺而不息

更賦六歲勞賜縣掾史及門闌走卒續漢志曰
五伯鈐下侍閤門闌部署街里
走卒皆有程品多少隨所典領至自鄴十一月

北匈奴寇五原十二月寇雲中南單于擊
却之是歲發遣邊人在內郡者賜裝錢人
二萬

六年春正月沛王輔楚王英東平王蒼淮
陽王延琅邪王京東海王政趙王盱北海

王興齊王石來朝二月王雒山出寶鼎或雒

作雄廬江太守獻之夏四月甲子詔曰昔禹
收九牧之金鑄鼎以象物使人知神茲不

逢惡氣夏禹之時令遠方圖畫山川奇異之物使
九州之牧貢金鑄鼎以象之令人知鬼神
百物之形狀而備之故人入山林川澤魑魅
罔兩莫能逢之惡氣謂罔兩之類事見左傳

遭德

則興遷于商周周德既衰鼎乃淪亡史記曰周鼎亡

入泗水中秦始皇過彭城齋戒欲出周鼎於泗水使千人沒水求之不得祥瑞之降以

應有德方今政化多僻何以致茲易曰鼎

象三公易曰鼎折足覆公餗豈公卿奉職得其理邪

太常其以禘祭之日禮記曰夏祭曰禘音藥禘薄也夏物未成祭尚薄

陳鼎於廟以備器用賜三公帛五十匹九

卿二千石半之先帝詔書禁人上事言聖

而聞者章奏頗多浮詞自今若有過稱虛

譽尚書皆宜抑而不省示不為諂子蚩也

後漢帝紀二 十四 李芳

冬十月行幸魯祠東海恭王陵會沛王輔

楚王英濟南王康東平王蒼淮陽王延琅

邪王京東海王政十二月還幸陽城遣使

者祠中岳壬午車駕還宮東平王蒼琅琊

王京從駕來朝皇太后

七年春正月癸卯皇太后陰氏崩二月庚

申葬光烈皇后秋八月戊辰北海王興薨

是歲北匈奴遣使乞和親

八年春正月己卯司徒范滂薨漢官儀曰滂字子閭

也沛人三月辛卯太尉虞延為司徒衛尉趙

熹行太尉事遣越騎司馬鄭眾報使北匈

奴初置度遼將軍屯五原曼拍武帝拜范明友為度遼將

軍至此復置焉以中郎將吳常行度遼將軍曼拍縣在今勝州銀城縣

秋郡國十

四雨水冬十月北宮成丙子臨辟雍養三

老五更禮畢詔三公募郡國中都官死罪

繫囚減罪一等勿笞詣度遼將軍營屯朔

方五原之邊縣妻子自隨便占著邊縣占著

謂附父母同產欲相代者恣聽之其大逆

後漢帝紀二

李椿

無道殊死者一切募下蠶室亡命者令贖

罪各有差凡徒者賜弓弩衣糧壬寅晦日

有食之既既盡也詔曰朕以無德奉承大業

而下貽人怨上動三光日食之變其災尤

大春秋圖讖所為至謹春秋感精符曰人主舍天光據機衡齊七

政操八極故君明聖天道得正則日月光明五星有

撥亂日食三十六故曰至謹也永思厥咎在子

一人羣司勉修職事極言無諱於是在位

者皆上封事各言得失宣帝始令羣臣得奏封事以知下情封有

正有副領尚書者先發副封所言不善
屏而不奏後魏相奏去副封以防擁蔽
帝覽章深

自引咎乃以所上班示百官詔曰羣僚所

言皆朕之過人冤不能理吏黠不能禁而

輕用人力繕修宮宇出入無節喜怒過差

昔應門失守關雎刺世春秋說題辭曰人主不正應門失守故歌

關雎以感之宋均注曰應門聽政之處也言不以政事為務則有宣淫之心關雎樂而不淫思得賢人與

之共化修應門之政者也薛君韓詩章句曰詩人言

退朝入于私宮后妃御見有度應門擊拚鼓人上堂

退反宴處體安志明今時大人內傾于色賢人見其

萌故詠關雎說淑飛蓬隨風微子所歎管子曰無

女正容儀以刺時飛蓬隨風微子所歎管子曰無

竦然兢懼徒恐薄德久而致怠耳北匈奴

寇西河諸郡

九年春三月辛丑詔郡國死罪囚減罪與

妻子詣五原朔方占著所在死者皆賜妻

父若男同產一人復終身其妻無父兄獨

有母者賜其母錢六萬又復其口筭口筭已見

光武紀夏四月甲辰詔郡國以公田賜貧人
各有差令司隸校尉部刺史歲上墨綬長

後漢而紀二

十六

郭博

吏視事三歲已上理狀尤異者各一人與

計偕上借俱也所徵之人及尤不政理者亦

以聞是歲大有年穀梁傳曰五穀皆熟書大有年為四姓小

侯開立學校置五經師表宏漢紀曰永平中崇尚儒學自皇太子

諸王侯及功臣子弟莫不受經又為外戚樊氏郭氏陰氏馬氏諸子弟立學號四姓小侯置五經師以非

列侯故曰小侯禮記曰庶方小侯亦其義也

十年春二月廣陵王荆有罪自殺國除夏

四月戊子詔曰昔歲五穀登衍鄭玄注周禮云五穀黍稷

麥麻亦也登成也今茲蠶麥善收其大赦天

後漢帝紀二

十七

卓受

下方盛夏長養之時蕩滌宿惡以報農功

百姓勉務桑稼以備災害吏苟厥職無令

愆愆閏月甲午南巡狩幸南陽祠章陵日

北至又祠舊宅北至夏禮畢召校官弟子

作雅樂奏鹿鳴校學也鹿鳴詩小雅篇名宴羣臣嘉賓之詩帝自

御墳簾和之以娛嘉賓鄭玄注周禮云墳燒土為之大如鴈子鄭

衆曰有六孔世本曰暴辛公作還幸南頓勞饗

三老官屬冬十一月徵淮陽王延會平輿

縣名屬汝南郡故城在今豫州汝陽縣東北與音預徵沛王輔會睢陽十

二月甲午車駕還宮

十一年春正月沛王輔楚王英濟南王康

東平王蒼淮陽王延中山王馬琅邪王京

東海王政來朝秋七月司隸校尉郭霸下

獄死是歲灑湖出黃金廬江太守以獻灑湖

湖名音子小反在今廬州合肥縣東南時麒麟白雉醴泉嘉禾

所在出焉

十二年春正月益州徼外夷哀牢王相率

內屬於是置永昌郡罷益州西部都尉西

後漢帝紀二

十八

陳地

夷傳曰罷益州西部所領六縣合為永昌郡置哀牢夏

四月遣將作謁者王吳修汴渠自滎陽至

于千乘海口汴渠即葭蕩渠也汴自滎陽首受河

東積石為隄亦號金隄成帝陽嘉中所作也五月丙辰賜天下男

子爵人二級三老孝悌力田人三級流民

無名數欲占者人一級鰥寡孤獨篤癯貧

無家屬不能自存者粟人三斛詔曰昔曾

閔奉親竭歡致養曾參字子與閔損字子騫仲

尼葬子有棺無槨論語曰鯉也死喪貴致哀

禮存寧儉今百姓送終之制競為奢靡生

者無擔石之儲而財力盡於墳土前書音義曰擔

音丁濫反言一石之儲方言作甌去聲也齊東北海岱之間謂之甌郭璞注曰所謂家無甌石之儲者也

或作僭音丁甘反伏臘無糟糠而牲牢兼於

一奠史記曰秦德公始為伏祠歷忌曰伏者何也金氣伏藏之日也四氣代謝皆以相生至于

立秋以金代火金畏于火故庚日必伏月令孟冬之月臘先祖說文云臘冬至後祭百神始皇更臘曰嘉

平奠喪祭也糜破積世之業以供終朝之費子

孫飢寒絕命於此豈祖考之意哉又車服

制度恣極耳目田荒不耕游食者衆游食謂浮

後漢書紀二

十九

李崇

食者有司其申明科禁宜於今者宣下郡國

秋七月乙亥司空伏恭罷乙未大司農牟

融為司空冬十月司隸校尉王康下獄死

是歲天下安平人無徭役歲比登稔百姓

殷富粟斛三十牛羊被野

十三年春二月帝耕於藉田禮畢賜觀者

食三月河南尹薛昭下獄死夏四月汴渠

成辛巳行幸滎陽巡行河渠乙酉詔曰自

汴渠決敗六十餘歲王景傳曰平帝時汴河決壞加頃年

以來雨水不時汴流東侵日月益甚水門

故處皆在河中漭濊廣溢莫測圻岸圻壻也

蕩蕩極望不知綱紀今兗豫之人多被水

患乃云縣官不先人急好興它役又或以

為河流入汴幽冀蒙利故曰左隄彊則右

隄傷左右俱彊則下方傷宜任水執所之

使人隨高而處公家息壅塞之費百姓無

陷溺之患議者不同南北異論朕不知所

從久而不決今既築隄理渠絕水立門河

後漢帝紀二

二

合

汴分流復其舊迹陶丘之北漸就壤墳爾雅

曰丘再成曰陶丘孫炎曰形如累兩孟也郭璞曰今濟陰定陶城中有陶丘也尚書曰厥土惟黑壤下土

墳墟孔安國曰無塊曰壤墳起也故薦嘉玉絜牲以禮河神

禮記曰凡祭玉曰嘉玉儀禮曰絜牲剛鬣東過洛汭歎禹之績水

曰汭洛汭洛水入河處也績功也河洛皆禹所加功故歎之今五土之宜反

其正色禮曰山林川澤丘陵墳衍原隰謂之五土也色謂其黃白青黑之類孔安國曰水

所去土復其性也濱渠下田賦與貧人無令豪右

得固其利濱近也豪右大家也庶繼世宗瓠子之作

瓠子隄名也武帝元封二年發卒數萬人塞瓠子決河沈白馬玉璧令羣臣皆負薪填河在今濮州濮陽

縣西也

因遂度河登太行進幸上黨壬寅車

駕還宮冬十月壬辰晦日有食之三公免

冠自劾制曰冠履勿劾災異屢見咎在朕

躬憂懼遑遑未知其方將有司陳事多所

隱諱使君上壅蔽下有不暢乎昔衛有忠

臣靈公得守其位

論語孔子曰衛靈公無道季康子曰夫如是奚其不喪孔

子曰仲叔圉主賓客祝它主宗廟王孫賈主軍旅夫如是奚其喪

今何以和穆

陰陽消伏災譴刺史太守詳刑理冤存恤

鰥孤勉思職焉十一月楚王英謀反廢國

後漢帝紀二

二二

林俊

除遷於涇縣

涇縣屬丹陽郡今宣州縣故城在縣東有涇水出蕪湖因水立名

所

連及死徙者數千人是歲齊王石薨

十四年春三月甲戌司徒虞延免自殺夏

四月丁巳鉅鹿太守南陽邢穆為司徒

穆字

綏公宛人

前楚王英自殺夏五月封故廣陵王

荆子元壽為廣陵侯初作壽陵

十五年春二月庚子東巡狩辛丑幸偃師

詔亡命自殊死以下贖死罪縑四十匹右

趾至鬣鉗城旦春十匹宍城旦至司寇五

匹犯罪未發覺詔書到日自告者半入贖

徵沛王輔會睢陽進幸彭城癸亥帝耕于

下邳三月徵琅邪王京會良成良成縣名屬東海郡故城

在今泗州下邳縣北徵東平王蒼會陽都陽都縣名屬琅邪郡故城在今

沂州沂水縣南又徵廣陵侯及其三弟會魯祠東海

恭王陵還幸孔子宅祠仲尼及七十二弟

子親御講堂孔子宅在今兗州曲阜縣故魯城中歸德門內闕里之中背洙面泗矍相

圃之東北也七十二弟子顏閔之徒漢春秋曰帝時升廟立羣臣中庭北面皆再拜帝進爵而後坐命

皇太子諸王說經又幸東平東平國名故城在今鄆州東

後漢帝紀二

二十二

陳從

辛卯進幸大梁大梁城魏惠王所築故城在今汴州至定陶祠

定陶恭王陵恭王元帝子康夏四月庚子車駕還宮

改信都為樂成國臨淮為下邳國封皇子

恭為鉅鹿王黨為樂成王衍為下邳王暢

為汝南王昞為常山王長為濟陰王濟陰郡今曹州

賜天下男子爵人三級郎從官二十歲已

上帛百匹十歲已上二十匹十歲已下十

匹官府吏五匹書佐小史三匹令天下大

酺五日前書音義曰漢律三人已上無故羣飲罰金四兩今恩詔橫賜得令聚會飲食五日

醜布也言天子布恩於天下史記趙
惠文王三年大赦置酒大醜五日
乙巳大赦天

下其謀反大逆及諸不應宥者皆赦除之

冬車騎校獵上林苑周禮校人掌王田獵之馬故曰校獵謂以木相貫穿

為欄校以遮禽獸十二月遣奉車都尉竇固駙馬都

尉耿秉屯涼州前書曰奉車都尉掌乘輿駙馬都尉掌天子之副馬駙副也並武帝

置秩二千石十六年春二月遣太僕祭彤出高闕高闕山名

因以名塞在朔方北奉車都尉竇固出酒泉駙馬都尉

耿秉出居延本匈奴地名也武帝因以名縣屬張掖郡在今甘州張掖縣東北騎

都尉來苗出平城伐北匈奴竇固破呼衍

王於天山呼衍匈奴王號天山即祁連山一名雪山今名折羅漢山在伊州北祁音時

留兵屯伊吾盧城本匈奴中地名既破呼衍取其地置宜禾都尉以為屯田

今伊州細職縣伊吾故城是也耿秉來苗祭彤並無功而還

夏五月淮陽王延謀反發覺癸丑司徒邢

穆駙馬都尉韓光坐事下獄死所連及誅

死者甚眾坐與延同謀戊午晦日有食之六月

丙寅大司農西河王敏為司徒漢官儀曰敏字叔公并州

隰城人也秋七月淮陽王延徙封阜陵王阜陵縣名屬九

也

江郡故城在今
滁州全椒縣南
九月丁卯詔令郡國中都官

死罪繫囚減死罪一等勿笞詣軍營屯朔

方敦煌妻子自隨父母同產欲求從者恣

聽之女子嫁為人妻勿與俱謀反大逆無

道不用此書是歲北匈奴寇雲中雲中太

守廉范擊破之

十七年春正月甘露降於甘陵北海王睦

薨二月乙巳司徒王敏薨三月癸丑汝南

太守鮑昱為司徒是歲甘露仍降樹枝內

後漢帝紀二

二十四

郭序

附仍頻也內附謂木連理也前書芝草生殿前

神雀五色翔集京師西南夷哀牢僭耳僂

僂槃木白狼動黏諸種前後慕義貢獻海山

經曰周僂國在三首國東為人短小冠帶一名焦僂

國語曰焦僂氏三尺短之至也揚浮異物志曰僭耳

南方夷生則鏤其頰皮連耳匡分西域諸國遣子

入侍夏五月戊子公卿百官以帝威德懷

遠祥物顯應乃並集朝堂奉觴上壽壽者人之

所欲故卑下奉觴制曰天生神物以應王者
進酒皆言上壽遠人慕化實由有德朕以虛薄何以享斯

唯高祖光武聖德所被不敢有辭其苛舉
觴太常擇吉日策告宗廟其賜天下男子
爵人二級三老孝悌力田人三級流人無
名數欲占者人一級鰥寡孤獨篤癯貧不
能自存者粟人三斛郎從官視事十歲以
上者帛十匹中二千石二千石下至黃綬
貶秩奉贖在去年以來皆還贖秋八月丙
寅令武威張掖酒泉敦煌張掖郡故匈奴昆
邪王地也漢官儀及張掖屬國繫囚右

曰張國臂掖故曰張掖故
城在今甘州張掖縣西北

後漢帝紀二
二十五

陳震

趾已下任兵者任堪也皆一切勿治其罪詣

軍營冬十一月遣奉車都尉竇固駙馬都

尉耿秉騎都尉劉張出敦煌昆侖塞昆侖山名

因以為塞在今肅州酒泉縣西南山有昆侖之體擊
故名之周穆王見西王母于此山有石室王母臺

破白山虜於蒲類海上遂入車師西河舊
事曰白

山冬夏有雪故曰白山匈奴謂之天山初置西域

都護戊己校尉宣帝初置鄭吉為都護護三十
六國秩比二千石元帝置戊己

校尉有丞司馬各一人秩比六百石戊己中央
也鎮覆四方見漢官儀亦處西域鎮撫諸國是

歲改天水為漢陽郡

十八年春三月丁亥詔曰其今天下亡命
自殊死已下贖死罪縑三十匹右趾至髡
鉗城旦春十疋完城旦至司寇五匹吏人
犯罪未發覺詔書到自告者半入贖夏四
月己未詔曰自春已來時雨不降宿麥傷
旱秋種未下政失厥中憂懼而已其賜天
下男子爵人二級及流民無名數欲占者
人一級鰥寡孤獨篤癯貧不能自存者粟
人三斛理冤獄錄輕繫二千石分禱五岳

後漢帝紀二

二十六

吳位

四瀆郡界有名山大川能興雲雨者

周禮職方

氏掌天下之地揚州其山曰會稽其川曰三江荆州
其山曰衡山其川曰江漢豫州其山曰華其川曰滎
洛青州其山曰沂山其川曰淮泗兖州其山曰岱其
川曰河沛雍州其山曰嶽其川曰涇汭幽州其山曰
醫無閭其川曰河沛冀州其山曰霍其川曰漳并
州其山曰恒其川曰滹沱此謂九州名山大川也
長

吏各絜齋禱請冀蒙嘉澍

說文曰時雨所以澍生萬物淮南子

曰春雨之灌萬物無地不澍無物不生澍音之戍反

六月己未有星孛於

太微焉耆龜茲攻西域都護陳睦悉沒其
眾北匈奴及車師後王圍戊己校尉耿恭
秋八月壬子帝崩於東宮前殿年四十八

遺詔無起寢廟藏主於光烈皇后更衣別

室禮藏主於廟既不起寢廟故帝初作壽陵

制令流水而已石椁廣一丈二尺長二丈

五尺無得起墳東觀記曰陵東北作廡長三丈五步出外為小廚財足祠祀

萬年之後埽地而祭杆水脯糒而已說文曰杆

飲器音于方言曰盃謂之盃說文曰糒乾節也過百日唯四時設奠

置吏卒數人供給灑埽勿開修道敢有所

興作者以擅議宗廟法從事前書曰擅議宗廟者弃市帝

遵奉建武制度無敢違者後宮之家不得

後漢帝紀二 二十七 林若

封侯與政東觀記曰光武閔傷前代權臣太盛外戚與政上濁明主下危臣子后族陰郭

之家不過九卿親屬榮位不能及許史王氏之半耳館陶公主光武女為子

求郎不許而賜錢千萬謂羣臣曰郎官上

應列宿出宰百里史記曰太微宮後二十五星郎位也有非其

人則民受其殃是以難之故吏稱其官民

安其業遠近肅服戶口滋殖焉

論曰明帝善刑理法令分明日晏坐朝幽

枉必達內外無倖曲之私在上無矜大之

色斷獄得情號居前代十二十斷其二故後言少刑也

之言事者莫不先建武永平之政而鍾離
意宋均之徒常以察慧為言並見本傳夫豈弘
人之度未優乎

贊曰顯宗丕承業業兢兢危心恭德政察

姦勝危心言常危懼姦勝猶勝姦佞備章朝物省薄墳陵

朝物謂朝儀文物也永懷廢典下身遵道廢典謂明堂辟雍之禮歷

漢不行下身謂進爵授綬之類登臺觀雲臨雍拜老懋惟帝

績增光文考懋勉也書曰惟我文考光于四海

後漢帝紀卷第二

帝紀卷第三

范曄

後漢書三

唐章懷太子賢注

肅宗孝章皇帝

肅宗孝章皇帝諱烜顯宗第五子也

諡法曰温克令

儀曰章伏侯古今注曰烜之字曰著音丁達反

母賈貴人永平三年立

為皇太子少寬容好儒術顯宗器重之十

八年八月壬子即皇帝位年十九尊皇后

曰皇太后壬戌葬孝明皇帝于顯節陵

帝王

紀曰顯節陵方三百步高八丈其地故富壽亭也西北去洛陽三十七里

冬十月丁未

後漢帝紀三

周清

大赦天下賜民爵人二級為父後及孝悌

力田人三級脫無名數及流人欲占者人

一級爵過公乘得移與子若同產子鰥寡

孤獨篤癯貧不能自存者粟人三斛詔曰

朕以眇身託于王侯之上統理萬機懼失

厥中兢兢業業未知所濟深惟守文之主

必建師傅之官詩不云乎不愆不忘率由

舊章

詩大雅也鄭玄云愆過也率循也由用也言成王之令德不過誤不違失皆循用舊

典文章謂周公之禮法

行太尉事節鄉侯熹三世在

位為國元老

趙熹光武時為太尉明帝時行六尉
事故曰三代在位元長也詩曰方叔

元老司空融

融融

典職六年勤勞不怠其以

熹為太傅融為太尉並錄尚書事

武帝初以張子

孺領尚書事錄

尚書事由此始 三事大夫莫肯夙夜小雅之

所傷也

詩兩無正之文也三事三公也鄭玄注云幽
王在外三公及諸侯隨而行者皆無復君臣

之禮不肯

予違汝弼汝無面從

尚書益稷之文也孔安國注云

晨夜省王

股肱之正義也羣后百僚

勉思厥職各貢忠誠以輔不逮申勅四方

稱朕意焉十一月戊戌蜀郡太守第五倫

後漢帝紀三

二

周清

為司空詔征西將軍耿秉屯酒泉

酒泉今肅州縣

也前書音義曰城下有泉其味若酒因名酒泉焉

遣酒泉太守段彭救

戊己校尉耿恭甲辰晦日有食之於是避

正殿寢兵不聽事五日詔有司各上封事

十二月癸巳有司奏言孝明皇帝聖德淳

茂劬勞日昊身御浣衣

日昊日朕尚書曰文王自朝至于日中昊不違

暇食無兼珍澤臻四表

尚書曰光被四表

遠人慕化

焦僥儻耳款塞自至

耳款扣焦僥儻

克伐鬼

方開道西域

鬼方遠方易曰高宗伐鬼方三年克之

威靈廣被

無思不服以烝庶為憂不以天下為樂備

三雍之教躬養老之禮作登歌正予樂博

貫六藝周禮保氏教之六藝一曰禮二曰樂三曰射四曰馭五曰書六曰數前書藝文志曰

以禮樂春秋易詩書為六不舎晝夜聰明淵塞

著在圖讖河圖曰圖出代九天開明受用嗣與十代以光又括地象曰十代禮樂文雅並出謂

明帝也至德所感通於神明功烈光于四海

仁風行於千載而深執謙謙自稱不德無

起寢廟埽地而祭除日祀之法春秋外傳曰日祭月祀時

享祖禩則日祭高曾則月祀三禩則時享今此除日祀之法從時月之祭省送終之禮

後漢帝紀三

三

毛山

遂藏主於先烈皇后更衣別室天下聞之

莫不悽愴陛下至孝烝烝奉順聖德臣愚

以為更衣在中門之外處所殊別宜尊廟

曰顯宗其四時禘祫於光武之堂閒祀悉

還更衣續漢書曰五年再躬祭三年一祫五年一禘父為昭南向子為穆北向禘以夏四月

祫以冬十月禘之為言諦諦審昭穆尊卑之義祫者合也冬十月五穀成故骨肉合飲食於祖廟謂之躬

祭四時正祭外有五月嘗麥三伏立秋嘗棗盛酎十月嘗稻等謂之間祀即各于更衣之殿更衣者非正

寢也園中有寢有便殿寢者陵上共進武德之舞

如孝文皇帝祫祭高廟故事前書高廟奏武德文始五行之

舞制曰可是歲牛疫京師及三州大旱詔
勿收兗豫徐州田租芻稟其以見穀賑給
貧人

建初元年春正月詔三州郡國方春東作

恐人稍受稟往來煩劇或妨耕農稟給也稍為少

少給之不頓與其各實覈尤貧者計所貸并與之

并音必政反流人欲歸本者郡縣其實稟令足

還到聽過止官亭無雇舍宿長吏親躬無

使貧弱遺脫小吏豪右得容姦妄前書曰百石已

後漢書紀三

四

張宗

下有斗食佐史之秩言小吏也詔書既下勿得稽留刺史明

加督察尤無狀者無狀謂其罪惡尤大其狀無可寄言故云無狀它皆類此丙

寅詔曰比年牛多疾疫墾田減少穀價頗

貴人以流亡方春東作宜及時務二千石

勉勸農桑弘致勞來羣公庶尹各推精誠

專急人事罪非殊死須立秋案驗有司明

慎選舉進柔良退貪猾順時令理冤獄五

教在寬帝典所美五教謂父義母慈兄友弟恭子孝也尚書舜典曰汝作司

徒勸敷五愷悌君子大雅所歎愷樂悌易也詩大雅洞酌

篇曰愷悌君子人之父母

布告天下使明知朕意酒泉太

守段彭討擊車師大破之罷戍己校尉官

二月武陵澧中蠻叛

武陵郡今澧州水經曰澧水出武陵充縣西歷山之

北也三月甲寅山陽東平地震已巳詔曰朕

以無德奉承大業夙夜慄慄不敢荒寧

孔安

國注尚書曰不敢荒怠自安寧

而災異仍見與政相應朕既

不明涉道日寡又選舉乖實俗吏傷人官

職耗亂刑罰不中可不憂與昔仲弓季氏

之家臣子游武城之小宰孔子猶誨以賢

後漢帝紀三

五

林氏

才問以得人

論語仲弓為季氏宰問政子曰赦小過舉賢才子游為武城宰孔子謂之

曰汝得人焉耳乎

明政無大小以得人為本夫鄉舉

里選必累功勞今刺史守相不明真偽茂

才孝廉歲以百數既非能顯而當授之政

事甚無謂也每尋前世舉人貢士或起剛

畝不繫閹閹

說文曰剛田中之溝音工犬反史記曰明其等曰閹積其功曰閹言前代

舉人務取賢才不拘門地

敷奏以言則文章可採明試

以功則政有異迹

敷陳奏進也令各陳進其言則知其能否也尚書曰敷奏

以言明試以功則政之類

文質彬彬朕甚嘉之

彬彬雜貌

其

令太傅三公中二千石二千石郡國守相
舉賢良方正能直言極諫之士各一人夏

五月辛酉初舉孝廉郎中寬博有謀任典
城者以補長相任堪使也典主也長秋七月辛

亥詔以上林池籟田賦與貧人籟禁苑也音

曰折竹以繩懸連之使人不得往來謂之籟八月庚寅有星孛于天

市史記曰房為天駟東北曲十九月永昌哀牢

夷叛冬十月武陵郡兵討叛蠻破降之十

一月阜陵王延謀反貶為阜陵侯

卷漢帝紀三

六

帝

二年春三月辛丑詔曰比年陰陽不調飢

饉屢臻深惟先帝憂人之本本謂稼穡詔書曰

不傷財不害人誠欲元元去末歸本而今

貴戚近親奢縱無度嫁娶送終尤為僭侈

有司廢典莫肯舉察春秋之義我以貴理賤

今自三公並宜明糾非法宣振威風朕在

弱冠未知稼穡之艱難區區管窺豈能照

一隅哉史記扁鵲曰以管窺天以隙視文其科條制度所宜

施行在事者備為之禁先京師而後諸夏

公羊傳曰春秋內中國而外諸夏內諸侯而外夷然王者欲一乎天下曷以內外之辭言自近者始也

甲辰罷伊吾盧屯兵永平十六年置永昌越雋益

州三郡民夷討哀牢破平之夏四月戊子

詔還坐楚淮陽事徙者四百餘家令歸本

郡癸巳詔齊相省冰紈方空縠吹綸絮純素

也冰言色鮮潔如冰釋名曰縠紗也方空者紗薄如空也或曰空孔也即今之方目紗也綸似絮而細吹者言吹噓可成亦紗也前書齊有三服官故詔齊相罷之六月燒當羌叛金

城太守郝崇討之敗績羌遂寇漢陽秋八

月遣行車騎將軍馬防討平之十二月戊

後漢帝紀三

七

蔡仁

寅有星孛于紫宮

三年春正月己酉宗祀明堂禮畢登靈臺

望雲物大赦天下三月癸巳立貴人竇氏

為皇后賜爵人二級三老孝悌力田人三

級民無名數及流民欲占者人一級鰥寡

孤獨篤癯貧不能自存者粟人五斛夏四

月己巳罷常山呼沱石曰河漕石曰河名也在定州唐

縣東北時鄧訓上言此漕難成遂罷之漕水運也音才到反行車騎將軍馬

防破燒當羌於臨洮臨洮縣名屬隴西郡即今岷山之州閏月

西域假司馬班超擊姑墨大破之

姑墨西域國名

去長安八千一百五十里

冬十二月丁酉以馬防為車騎

將軍武陵淩中蠻叛

淩水名音婁源出今澧州崇義縣西北山

是

歲零陵獻芝草

四年春二月庚寅太尉牟融薨夏四月戊

子立皇子慶為皇太子賜爵人二級三老

孝悌力田人三級民無名數及流人欲自

占者人一級鰥寡孤獨篤癯貧不能自存

者粟人五斛己丑徙鉅鹿王恭為江陵王

後漢帝紀三

林康

汝南王暢為梁王常山王昞為淮陽王辛

卯封皇子伉為千乘王

音抗全為平春王

縣屬江夏郡

五月丙辰車騎將軍馬防罷甲戌

司徒鮑昱為太尉南陽太守栢虞為司徒

虞字仲春馮翊人

六月癸丑皇太后馬氏崩秋七月

壬戌葬明德皇太后冬牛大疫十一月壬

戌詔曰蓋三代導人教學為本

前書曰三代之道鄉

里有教夏曰校殷曰庠周曰序

漢承暴秦褒顯儒術建立

五經為置置博士其後學者精進雖曰承師

亦別名家

言雖承一師之業其後觸類而長更為章句則別為一家之學

孝宣

皇帝以為去聖久遠學不厭博故遂立大

少夏侯尚書後又立京氏易

大小夏侯謂夏侯勝勝從兄子

建也京氏京房也

至建武中復置顏氏嚴氏春秋大

小戴禮博士

嚴氏謂嚴彭祖顏氏謂顏安樂大小戴戴德戴聖也

此皆

所以扶進微學尊廣道藝也中元元年詔

書五經章句煩多議欲減省至永平元年

長水校尉儵

樊儵

奏言先帝大業當以時施

行欲使諸儒共正經義頗令學者得以自

後漢帝紀三

九

毛仙

助孔子曰學之不講是吾憂也又曰博學

而篤志切問而近思仁在其中矣

論語文也講猶

習也篤厚也志記也言人能博涉學而後識之切問於己所未悟之事近思己所能及之事好學亦仁之

一分故仁在其中矣

於戲其勉之哉於是下太常將大

夫博士議郎郎官

博士屬太常故云下

及諸生諸儒

會白虎觀講議五經同異使五官中郎將

魏應承制問

續漢志曰五官中郎將比二千石

侍中淳于恭

奏帝親稱制臨決如孝宣甘露石渠故事

前書甘露二年詔諸儒講五經異同蕭望之等平奏其書上親制臨決焉又曰施讎甘露中論五經於石

渠閣三輔故事曰石渠閣在未央殿北藏秘書之所作白虎議奏今白虎通是

歲甘露降泉陵洮陽二縣二縣屬零陵郡泉陵城在今永州零陵縣北洮陽故城在今湘源縣西北

五年春二月庚辰朔日有食之詔曰朕新

離供養去年馬太后崩愆咎眾著上天降異大變

隨之詩不云乎亦孔之醜詩小雅曰朔月辛卯日有食之亦孔之醜

孔甚也醜惡也又久旱傷麥憂心慘切公卿已下

其舉直言極諫能指朕過失者各一人遣

詣公車將親覽問焉其以巖穴為先勿取

浮華前書鄒陽曰顯巖穴之士甲申詔曰春秋書無麥苗

重之也春秋莊公七年秋大水無麥苗公羊傳曰一災不書待無麥然後書無苗何休注曰不書穀至麥苗獨書人食最重也去秋雨澤不適今時復旱

如炎如焚炎焚言熱氣甚韓詩旱魃為虐如炎如焚凶年無時而

為備未至朕之不德上累三光震慄忉忉

痛心疾首忉音刀詩曰憂心忉忉又曰疾如疾首前代聖君博思

咨諏咨諏謀也音子余反雖降災咎輒有開匱反風

之應武王有疾周公作請命之書藏於金匱後管蔡流言成王疑周公天乃大風禾木盡偃成

王啓金匱得書乃郊天謝過今予小子徒慘慘

天乃反風起禾事見尚書

而已其令二千石理冤獄錄輕繫禱五嶽

四瀆及名山能興雲致雨者異蒙不崇朝

徧雨天下之報尚書大傳曰五嶽皆觸石出雲務

加肅敬焉三月甲寅詔曰孔子曰刑罰罰不

中則人無所措手足今吏多不良擅行喜

怒或案不以罪迫脅無辜致令自殺者一

歲且多於斷獄甚非為人父母之意也書曰

元后作人父母有司其議糾舉之荆豫諸郡兵討

破武陵淩中叛蠻夏五月辛亥詔曰朕思

後漢帝紀三

十一

草駟

遲直上側席異聞遲猶希望也音持二反側席謂不正坐所以待賢良也

其先至者各以發憤吐懣略聞子大夫之

志矣皆欲置於左右顧問省納建武詔書

又曰堯試臣以職不直以言語筆札書舜典曰

朕其試哉又曰歷試諸難札簡也今外官多曠並可以補任

戊辰太傅趙熹薨冬始行月令迎氣樂東觀

記曰馬防上言聖人作樂所以宣氣致和順陰陽也

臣愚以為可因歲首發太簇之律奏雅頌之音以迎和氣時以作樂器費多是歲零陵獻芝草有八

黃龍見於泉陵伏侯古今注曰見零陵泉陵相水中相與戲其二大如馬有角

六枚大如駒無角 西域假司馬班超擊疏勒破之

六年春二月辛卯琅邪王京薨夏五月辛酉趙王盱薨六月丙辰太尉鮑昱薨辛未晦日有食之秋七月癸巳以大司農鄧彪為太尉

七年春正月沛王輔濟南王康東平王蒼中山王焉東海王政琅邪王宇來朝夏六月甲寅廢皇太子慶為清河王立皇子肇為皇太子己未徙廣平王羨次為西平王秋

後漢帝紀三

十二

楊雄

八月飲酎高廟禘祭光武皇帝孝明皇帝

前書高廟飲酎奏武德五行之舞音義云正月且作酒八月成名曰酎者言醇也武帝時因八月嘗酎今諸侯出金助祭所謂酎金也丁孚漢儀式曰九真交趾日南者用犀角二長九寸若瑇瑁甲一鬱林用象牙一長三尺已上若翠羽各二十準以當金 甲辰詔書云祖考來假

明哲之祀 假音格格至也尚書夔曰於予擊石拊石搏拊琴瑟以詠祖考來格言明哲祭

祀則能致祖考之神來至 予末小子質又菲薄仰惟先

帝烝烝之情前修禘祭以盡孝敬朕得識

昭穆之序寄遠祖之思今年大禮復舉加

以先帝之坐 言顯宗神坐 悲傷感懷樂以

迎來哀以送往雖祭亡如在而空虛不知
所裁庶或饗之豈亡克慎肅雍之臣辟公

之相

肅勸雍和相助也詩大雅曰有來雍雍至止肅肅相維辟公天子穆穆言百辟諸侯來助

祭皆有肅雍之德無懈慢也

皆助朕之依依

依依思慕之意

今賜

公錢四十萬卿半之及百官執事各有差

九月甲戌幸偃師東涉卷津

卷縣名屬河南郡也卷音丘權

反至河內下詔曰車駕行秋稼觀收穫因

涉郡界皆精騎輕行無它輜重不得輒修

道橋遠離城郭遣吏逢迎刺探起居

刺探謂候

後漢帝紀三

十三

陳彥

伺也探音湯勘反

出入前後以為煩擾動務省約但

患不能脫粟瓢飲耳

晏子相齊食脫粟之飯孔子曰顏回一瓢飲

所

過欲令貧弱有利無違詔書遂覽淇園

前書

音義曰淇園衛之苑也

己酉進幸鄴勞饗魏郡守今已

下至于三老門闌走卒賜錢各有差勞賜

常山趙國吏人復元氏租賦三歲辛卯車

駕還宮詔天下繫囚減死一等勿笞詣邊

戍妻子自隨占著所在父母同產欲相從

者恣聽之有不到者皆以乏軍興論

軍興而致

闕乏當死刑也及犯殊死一切募下蠶室其女子

宮繫囚鬼薪白粲已上前書曰鬼薪白粲已上皆三歲刑也男子

為鬼薪取薪以給宗廟女子為白粲使擇米白粲粲然皆減本罪各一等

輸司寇作亡命贖死罪入縲二十四右趾

至髡鉗城旦春十匹完城旦至司寇三四

吏人有罪未發覺詔書到自告者半入贖

冬十月癸丑西巡狩幸長安丙辰祠高廟

遂有事十一陵遣使者祠太上皇於萬年

太上皇高祖父也名熾音它官反一名執嘉三輔黃圖曰高祖初都櫟陽太上皇崩葬櫟陽北原陵號萬

後漢帝紀三

十四

李秀

年仍分置萬年縣在今櫟陽東北故就祭祀焉以中牢祠蕭肅何霍光

進幸槐里岐山得銅器形似酒罇獻之又

獲白鹿帝曰上無明天子下無賢方伯已

明帝紀人之無良相怨一方詩小雅也良善也言王者所為無有

善者各相與於一方而怨之義見韓詩斯器亦曷為來哉公羊傳曰

孔子抱麟而泣曰孰為來哉孰為來哉又幸長平御池陽宮前

音義曰長平坂在池陽南有東至高陵造舟於

涇而還造至也謂次比舟令相至為橋而度也爾雅曰天子造舟諸侯維舟大夫方舟士特

舟每所到幸輒會郡縣吏人勞賜作樂十

一月詔勞賜河東守令掾以下十二月丁亥車駕還宮是歲京師及郡國螟

八年春正月壬辰東平王蒼薨三月辛卯

葬東平憲王賜鑿輅龍旂夏六月北匈奴

大人率眾款塞降冬十二月甲午東巡狩

幸陳留梁國淮陽潁陽戊申車駕還宮詔

曰五經剖判去聖彌遠章句遺辭乖疑難

正恐先師微言將遂廢絕非所以重稽古

求道真也其令羣儒選高才生受學左氏

後漢帝紀三

十五

章英

穀梁春秋古文尚書毛詩以扶微學廣異

義焉是歲京師及郡國螟

元和元年春正月中山王馬來朝日南徼

外蠻夷獻生犀白雉劉欣明交州記曰犀其毛如豕蹄有三甲頭如馬有

三角鼻上角短額上頭上角長異物志曰角中特有光耀白理如線自本達末則為通天犀閏

月辛丑濟陰王長薨二月甲戌詔曰王者

八政以食為本尚書洪範八政一曰食是為政本故古者急耕

稼之業致耒耜之勤耒耜農器也耒其柄耜其刃節用儲

蓄以備凶災是以歲雖不登而人無飢色

自牛疫已來穀食連少良由吏教未至刺
史二千石不以爲負負猶憂也其令郡國募人

無田欲徙它界就肥饒者恣聽之到在所

賜給公田爲雇耕傭賃種餉餉糧也古餉貫字音式上反

與田器勿收租五歲除筭三年其後欲還

本鄉者勿禁夏四月己卯分東平國封憲

王蒼子尚爲任城王六月辛酉沛王輔薨

秋七月丁未詔曰律云掠者唯得榜笞立

蒼頡篇曰掠問也廣雅曰榜擊也音彭說文曰笞擊也立謂立而考訊之又令丙筆長

後漢帝紀三

一六

陳仲

短有數今丙爲篇之次也前書音義曰今有先後有令甲令乙令丙又景帝京師定筆令筆

長五尺本大一寸其竹也末薄半寸其平去節故云長短有數也自往者大獄

已來掠考多酷鉗鑽之屬大獄謂楚王英等事也鉗音其廉反

說文曰鉗鉗也國語曰中刑用鑽鑿皆謂慘酷其肌膚也慘苦無極念其痛

毒怵然動心書曰鞭作官刑豈云若此孔安

國注尚書曰以鞭爲理官事之刑宜及秋冬理獄明爲其禁

八月甲子太尉鄧彪罷大司農鄭弘爲太

尉癸酉詔曰朕道化不德吏政失和元元

未諭抵罪於下寇賊爭心不息邊野邑屋

不修

修或作充

永惟庶事思稽厥衷與凡百君

子共弘斯道中心悠悠將何以寄其改建

初九年為元和元年郡國中都官繫囚減

死一等勿笞詣邊縣妻子自隨占著在所

其犯殊死一切募下蠶室其女子宮繫囚

鬼薪白粲以上皆減本罪一等輸司寇作

亡命者贖各有差丁西南巡狩詔所經道

上郡縣無得設儲峙

儲積也峙具也言不預有蓄備

命司空

自將徒支柱橋梁

柱音竹主反

有遣使奉迎探

後漢帝紀三

十七

陳琳

知起居二千石當坐其賜鰥寡孤獨不能

自存者粟人五斛九月乙未東平王忠薨

辛丑幸章陵祠舊宅園廟見宗室故人賞

賜各有差冬十月己未進幸江陵詔廬江

太守祠南嶽又詔長沙零陵太守祠長沙

定王春陵節侯鬱林府君還幸宛十一月

己丑車駕還宮賜從者各有差十二月壬

子詔曰書云父不慈子不祗兄不友弟不

恭不相及也

祗敬也左傳胥臣云康誥曰父不慈子不祗兄不友弟不恭不相及也

康誥之言事同而文異

往者妖言大獄所及廣遠一

人犯罪禁至三屬

即三族也謂父族母族及妻族

莫得垂綬

仕官王朝如有賢才而沒齒無用朕甚憐

之非所謂與之更始也諸以前前妖惡禁錮

者一皆蠲除之

左傳曰以重幣錮之杜預注曰禁錮勿令仕也

以明弃咎

之路但不得在宿衛而已

二年春正月乙酉詔曰今云人有產子者

復勿筭三歲今諸懷姙者

說文曰姙孕也

賜胎養

穀人三斛復其夫勿筭一歲著以為令又

後漢帝紀三

一八

王

詔三公曰方春生養萬物莩甲

前書音義曰莩葉裏

白皮也易曰百果甲坼也

宜助萌陽以育時物其今有司

罪非殊死且勿案驗及吏人條書相告不

得聽受

條事條也

翼以息事寧人苟奉天氣立

秋如故夫俗吏矯飾外貌似是而非揆之

入事則悅耳論之陰陽則傷化朕甚厭饜之

甚苦之安靜之吏悃悃無華

說文云悃悃至誠也悃音苦本

反悃音孚逼反

日計不足月計有餘

莊子曰有庚桑子者偏得老聃

之道以居崐壘之山崐壘之人相與云庚桑子之始來吾洒然異之今吾日計之不足歲計之有餘無終

其聖如襄城令劉方方字伯況平原人吏人同聲謂

之不煩雖未有它異斯亦殆近之矣閒勅

二千石各尚寬明而今富姦行賂於下貪

更枉法於上使有罪不論而無過被刑甚

大逆也夫以苛為察以刻為明以輕為德

以重為威四者或興則下有怨心吾詔書

數下冠蓋接道而吏不加理人或失職其

咎安在勉思舊令稱朕意焉二月甲寅始

用四分歷續漢書曰時待詔張盛京房鮑業等以四分歷請與待詔楊岑等共課歲餘盛

等所中多四分詔曰今山川鬼神應典禮者

尚未咸秩咸皆也秩序也言山川之神尚其議

增修羣祀以祈豐年丙辰東巡狩己未鳳

皇集肥城肥城縣名屬太山郡故城在今濟州平陰縣東南乙丑帝耕

於定陶詔曰三老尊年也孝悌淑行也力

田勤勞也國家甚休之其賜帛人一匹勉

率農功使使者祠唐堯於成陽靈臺成陽縣屬

濟陰郡郭緣生述征記曰成陽縣東南有堯母陵俗亦名靈臺大母辛

未辛太山柴告岱宗有黃鵠三十從西南

來經祠壇上東北過于宮屋翱翔升降進

幸奉高壬申宗祀五帝于汶上明堂前書曰濟南人

公玉帶上黃帝時明堂圖中有一殿四面無壁以茅蓋通水水圍宮垣為複道上有樓從西南入名曰崑崙以拜祀上帝於是上作明堂於汶上如帶圖焉汶水出太山朱虛縣萊蕪山

癸酉告祠

二祖四宗二祖謂高祖世祖四宗謂文帝為太宗武帝為世宗宣帝為中宗明帝為顯宗

大會外內羣臣丙子詔曰朕巡狩岱宗柴

望山川告祀明堂以章先勲其二王之後

禮記曰存二王之後尊賢不過二代公羊傳曰存二王之後所以通三正也漢之二王房周之後也

聖之胤東觀記曰孔子後襄成侯等咸來助祭東后蕃衛東后謂東方國

君也諸侯為天子後漢書紀三伯父伯兄仲叔季弟幼子卓受

童孫尚書呂刑文皆天子同姓諸侯有父叔兄弟子孫列者故總而言之百僚從臣

宗室眾子要荒四裔要荒二服名要服去王城二千里荒服去王城二千五百里要者言可要束以文教荒者言其荒忽無常也裔遠也謂荒服之外也沙漠之北

葱嶺之西西河舊事曰葱嶺山名在敦煌西其山高大多葱故以為名焉冒彫

之類字書曰彫多須貌音而言須鬚多蒙冒其面或曰西域人多著冒而長故舉以為言也

跋涉懸度草行曰跋水行曰涉左傳子太叔曰跋涉山川西域傳曰懸度者石山也溪谷

不通以繩索相引而度去陵踐阻絕駿奔郊時

陽關五千八百五十里駿疾也音俊尚書駿奔走在廟郊時祭咸來助祭

天處也前書音義曰時神靈之居止者

祖宗功德延及朕躬予一人空虛多疚纂

承尊明疚病也纂繼也盥洗身薦慙愧祗慄詩不

云乎君子如祉亂庶遄已詩小雅遄速也已止也祉福也鄭玄

注云福者福賢者謂爵祿之也如此則亂亦庶幾可疾止也歷數既從靈燿

著明歷數既從謂行四分歷也靈燿著明謂日月貞明亦欲與士大夫

同心自新其大赦天下諸犯罪不當得赦

者皆除之復博奉高嬴無出今年田租芻

橐戊寅進幸濟南濟南縣名故城在今淄州長山縣西北三月

已丑進幸魯祠東海恭王陵庚寅祠孔子

後漢書紀三

三二

林云

於闕里及七十二弟子賜褒成侯及諸孔

男女帛壬辰進幸東平祠憲王陵陵在今鄆州須昌縣

東甲午遣使者祠定陶太后恭王陵太后即元帝傳

昭儀也定陶恭王康其陵在今曹州濟陰縣北乙未幸東阿北登太行

山至天井關在今澤州普城縣南今太行山上關南有天井泉三所也夏四

月乙巳客星入紫宮乙卯車駕還宮庚申

假于祖禰假至也音格禰父廟易曰王假有廟告祠高廟五月

戊申詔曰乃者鳳皇黃龍鸞鳥比集七郡

孫柔之瑞圖曰鸞鳥者赤神之精鳳皇之佐鷄身赤毛色亦被五彩鳴中五音人君進退有度親疏有序

則至也比類也或一郡再見及白烏神雀甘露屢臻

祖宗舊事或班恩施武帝時芝草生于甘泉宮宣帝時嘉穀立稷降于郡

國神雀仍集皆大赦天下其賜天下吏爵人三級高年鰥

寡孤獨帛人一匹經曰無侮鰥寡惠此榮

獨加賜河南女子百戶牛酒前書音義蘇林曰男賜爵女子

賜牛酒姚察云女子謂賜爵者之妻史記封禪書百戶牛一頭酒十石臣賢案此女子百戶若是戶頭之

妻不得更稱為戶此謂女戶頭即今之女戶也天下稱慶恩當普洽所以男戶賜爵女子賜牛酒令

天下大酺五日賜公卿已下錢帛各有差

及洛陽人當酺者布戶一匹城外三戶共

後漢帝紀

三

李昇

一匹賜博士負弟子見在太學者布人三

匹令郡國上明經者口十萬以上五人不

滿十萬三人改廬江為六安國江陵復為

南郡建初四年改為江陵國今又復之徙江陵王恭為六安王

秋七月庚子詔曰春秋於春每月書王者

重三正慎三微也三正謂天地人之正所以有三者由有三微之月王者所

當奉而成之禮記曰正朔三而改文質再而復三微者三正之始萬物皆微物色不同故王者取法焉十

一月時陽氣始施於黃泉之下色皆赤赤者陽氣故周為天正色尚赤十二月萬物始牙而色白白者陰

氣故躬為地正色尚白十三月萬物華甲而出其色皆黑人得加助展業故夏為人正色尚黑尚書大傳

曰夏十三月為正平旦為朔殷以十二月為正雞鳴為朔周以十一月為正夜半為朔必以三微之月為正者當爾之時物皆尚微王者授命當扶微理弱奉成之義也律十二月立春

不以報囚報猶論也立春陽氣至可以施生故不論囚月令冬至之

後有順陽助生之文月令仲冬是月也日短至陰陽爭諸生蕩君子身欲

寧事欲靜以待陰陽之所定也而無鞠獄斷刑之政朕咨訪

儒雅稽之典籍以為王者生殺宜順時氣

其定律無以十一月十二月報囚九月壬

辰詔鳳皇黃龍所見亭部無出二年租賦

東觀記曰鳳皇見肥城句窳亭槐樹上古今注云黃龍見洛陽元延亭部窳音庚加賜男

子爵人二級先見者帛二十匹近者三匹

大守三十四匹令長十五匹丞尉半之詩云

雖無德與汝式歌且舞詩小雅也取雖無大德要有喜悅之心欲歌舞

也式用也它如賜爵故事丙申徵濟南王康中

山王焉會丞祭冬十一月壬辰日南至初

閉關梁易曰先王以至日閉關商旅不行王弼注曰冬至陰之復夏至陽之復故為復即至

於寂然大靜先王則天地而行者也

三年春正月乙酉詔曰蓋君人者視民如

父母有憺怛之憂有忠和之教匍匐之救

後漢書紀三

李昇

用禮鄉司往以鄉三物教萬民一曰六德謂智其仁聖義忠和詩邶風曰凡民有喪匍匐救之

嬰兒無父母親屬及有子不能養食者稟

給如律丙申北巡狩濟南王康中山王焉

西平王羨六安王恭樂成王黨淮陽王昞

任城王尚沛王定皆從辛丑帝耕于懷二

月壬寅告常山魏郡清河鉅鹿平原東平

郡太守相曰朕惟巡狩之制以宣聲教考

同遐迩解釋怨結也今四國無政不用其

良詩小雅曰日月告凶不用其行四國無政不用其良言四方之國無政者由天子不用善人也駕

後漢帝紀二

二十四

林俊

言出游欲親知其劇易前祠園陵遂望祀

華霍華霍山名也在今廬江灄縣西南亦名天柱山爾雅曰華山為西嶽霍山為南嶽東

崇岱宗為人祈福今將禮常山遂徂北土

歷魏郡經平原升踐隄防詢訪耆老咸曰

往者汴門未作深者成淵淺則泥塗追惟

先帝勤人之德謂永平十二年修汴渠底績遠圖復禹

弘業尚書曰覃懷底績孔安國注云底置績功也遠圖猶長筭也言能復禹為理水之大功

聖跡滂流至于海表不克堂相朕甚慙焉

尚書曰若考作室既底法月令孟春善相丘陵

勸子乃不肯堂則肯相

土地所宜

月今孟春之月善相丘陵阪險原隰土地所宜五穀所殖以教導人必躬親之

田事

今肥田尚多未有墾闢其悉以賦貧

民給與糧種務盡地力勿令游手所過縣

邑聽半入今年田租以勸農夫之勞乙丑

勅侍御史司空曰方春所過無得有所伐

殺車可以引避引避之駢馬可輟解輟解

之夾轅者為服馬詩云敦彼行葦牛羊勿踐

履詩大雅云鄭玄注曰敦敦然道旁之葦禮人君

伐一草木不時謂之不孝禮記孔子曰伐一樹殺一獸不以其時非

後漢帝紀三

三五

吳位

也孝俗知順人莫知順天其明稱朕意戊辰

進幸中山遣使者祠北嶽出長城史記蒙恬為秦築長

城西自臨洮東至海癸酉還幸元氏祠光武顯宗於縣

舍正堂明日又祠顯宗于始生堂皆奏樂

明帝生于常山元氏傳舍也三月丙子詔高邑令祠光武

於即位壇復元氏七年徭役已卯進幸趙

庚辰祠房山於靈壽靈壽縣名屬常山郡今恒州縣也房山今在恒州房

山縣縣西北俗名王母山上有王母祠辛卯車駕還宮賜從行

者各有差夏四月丙寅太尉鄭弘免大司

農宋由為太尉

由字叔路長安人

五月丙子司空弟

五倫罷太僕袁安為司空秋八月乙丑幸

安邑觀鹽池

許慎云河東鹽池表五十一里廣七里周百一十六里今蒲州虞鄉縣西

九月至自安邑冬十月北海王基薨燒當

羌叛寇隴西是歲西域長史班超擊斬疏

勒王

章和元年春三月護羌校尉傅育追擊叛

羌戰歿夏四月丙子令郡國中都官繫囚

減死一等詔金城戍六月戊辰司徒栢虞

免癸卯司空袁安為司徒光祿勳任隗為

司空

漢名虞字仲春馮翊萬年人隗字仲和南陽宛人

秋七月癸卯齊王

晃有罪貶為蕪湖侯

蕪湖縣名屬丹陽故城在今宣州當塗縣東南

壬子淮陽王昞薨鮮卑擊破北單于斬之

燒當羌寇金城護羌校尉劉盱討之斬其

渠帥壬戌詔曰朕聞明君之德啓迪鴻化

緝熙康乂光照六幽

緝熙光明也六幽謂六合幽隱之處也

訖惟

人面靡不率俾仁風翔于海表威靈行乎

鬼區

鬼區即鬼方

然後敬恭明祀膺五福之慶獲

來儀之貺

尚書五福一曰壽二曰富三曰康寧四曰攸好德五曰考終命來儀謂鳳也書

曰鳳皇來儀

朕以不德受祖宗弘烈乃者鳳皇仍

集麒麟並臻甘露宵降嘉穀滋生芝草之

類歲月不絕朕夙夜祗畏上天無以彰于

先功今改元和四年為章和元年秋令是

月養衰老授几杖行糜粥飲食

月令仲秋之令

其

賜高年二人共布帛各一匹以為醴酪死

罪囚犯法在丙子赦前而後捕繫者皆減

死勿笞詣金城戍八月癸酉南巡狩壬午

後漢帝紀三

二十七

李肅

遣使者祠昭靈后於小黃園

小黃縣屬陳留郡故城在今汴

州陳留縣東北漢舊儀曰昭靈后高祖母起兵時死

小黃北後為作園廟于小黃柵陳留風俗傳曰沛公

起兵野戰喪皇妣于黃鄉天下平定仍使使者以梓

宮招魂幽野於是丹蛇在水自洒濯之入于梓宮其

浴處右遺髮故謚曰昭靈夫人

甲申徵任城王尚會睢陽戊

子幸梁己丑遣使祠沛高原廟豐杓榆社

前書音義口杓白榆高祖里社在豐縣東北十五里原廟解見光武紀 乙未幸沛祠

獻王陵徵會東海王政乙未晦日有食之 九月庚子幸彭城東海王政沛王定任城 王尚皆從辛亥幸壽春壬子詔郡國中都

官繫囚減死罪一等詣金城戍犯殊死者
一切募下虺蠱室其女子宮繫囚鬼薪白粲
已上減罪一等輸司寇作亡命者贖死罪
縑二十匹右趾至髡鉗城旦舂七匹完城
旦至司寇三匹吏民犯罪未發覺詔書到
自告者半入贖復封阜陵侯延為阜陵王
己未幸汝陰縣名屬汝南郡今潁川縣冬十月丙子車駕
還宮北匈奴屋蘭儲等率眾降是歲西域
長史班超擊莎車大破之月氏國遣使獻

後漢帝紀三

二十八

章熒

扶拔師子

扶拔似麟無角
拔音步末反

二年春正月濟南王康阜陵王延中山王
焉來朝壬辰帝崩於章德前殿年三十三
遺詔無起寢廟一如先帝法制

論曰魏文帝稱明帝察察章帝長者

以上華嶠

之章帝素知人厭明帝苛切事從寬厚感

陳寵之義除慘獄之科

寵時為尚書以吏政嚴切乃上書除慘酷之科

五十餘條
具本傳也

深元元之愛著胎養之令

元和二年令諸

後漢書
人三斛

奉承明德太后盡心孝道割裂名

都以崇建周親

周至也

平徭簡賦而人賴其

慶又體之以忠恕文之以禮樂故乃蕃輔

克諧羣后德讓謂之長者不亦宜乎在位

十三年郡國所上符瑞合於圖書者數百

千所烏呼懋哉

懋美也

贊曰肅宗濟濟天性愷悌於穆后德諒惟

淵體

於穆歎美也尚書曰齊聖廣淵也

左右藝文斟酌律禮

藝文謂諸儒講五經同異帝親稱制論決也律謂詔云立春不以報囚也禮謂修禘拾登靈臺之屬

思

服帝道弘此長懋儒館獻歌戎亭虛侯

獻歌

謂崔駰游太學時上四巡等頌

氣調時豫憲平人富

後漢帝紀卷第三

帝紀卷第四

范曄

後漢書四

唐章懷太子賢

注

孝和皇帝

孝殤皇帝

孝和皇帝諱肇

謚法曰不剛不柔曰和伏侯古今注曰肇之字曰始肇音兆臣

賢案許慎說文肇音大可反上諱也但伏侯許慎並漢時人而帝諱不同蓋應別有所據肅宗

第四子也母梁貴人為竇皇后所譖息卒

竇后養帝以為己子建初七年立為皇太

子章和二年二月壬辰即皇帝位年十歲

後漢帝紀四

李椿

尊皇后曰皇太后太后臨朝三月丁酉改

淮陽為陳國

今陳州

楚郡為彭城國

今徐州

西

平并汝南郡

西平縣故柏子國也在今豫州吳房縣西北

六安復為

廬江郡

即今廬州廬江縣西故舒城是

遺詔徙西平王羨為

陳王六安王恭為彭城王癸卯葬孝章皇

帝于劓陵

在洛陽城東南三十九里古今注曰陵周三百步高六丈二尺

庚戌皇

太后詔曰先帝以明聖奉承祖宗至德要

道天下清靜庶事咸寧今皇帝以幼年榮

榮在疚

疚病也榮榮然在憂病之中也榮或作嫫詩周頌云嫫嫫在疚

朕且佐

助聽政外有大國賢王並為蕃屏內有公卿大夫統理本朝恭已受成夫何憂哉子孔

曰舜何為哉恭已正南面而已尚書曰予小子垂拱仰成然守文之際必有

內輔以參聽斷侍中憲朕之元兄行能兼

備忠孝尤篤先帝所器親受遺詔當以舊

典輔斯職焉憲固執謙讓節不可奪今供

養兩宮兩宮謂帝宮太后宮宿衛左右厥事已重亦不

可復勞以政事故太尉鄧彪元功之族三

讓彌高元功謂高密侯禹也彪父邯中興初有功封鄆侯父卒彪讓國異母弟鳳論語孔子

後漢帝紀四

李藩

曰太伯三以天下讓民無得而稱焉鄭玄注云太伯周大王之長子欲讓其弟季歷大王有疾太伯因適

吳越採藥大王薨而不返季歷為喪主一讓也季歷赴之不來奔喪二讓也終喪之後遂斷髮文身三讓也彪讓封弟故以海內歸仁為羣賢首先帝

比之郵音莫杏反

喪表欲以崇化今彪聰明康彊可謂老成

黃耆矣老成言老而有成德也詩大雅曰雖無老成人黃謂髮落更生黃耆者耆亦老也詩序

曰外尊其以彪為太傅賜爵關內侯錄尚

書事百官總已以聽古者君在諒闇百官總已之職事以聽於冢宰錄尚

書事則冢宰之任也朕庶幾得專心內位於戲羣公其

勉率百僚各修厥職愛養元元綏以中和

稱朕意焉辛酉有司上奏孝章皇帝崇弘

鴻業德少普洽垂意黎民留念稼穡文加

殊俗武暢方表界惟人面無思不服魏魏

蕩蕩莫與比隆魏魏乎其有成功蕩蕩乎人無能名焉孔子美帝堯之詞見論語

周頌曰於穆清廟肅雝顯相清廟文王廟也於穆歎美

之詞言助祭者禮儀敬且和也請上尊廟曰肅宗共進武德

之舞制曰可癸亥陳王羨彭城王恭樂成

王黨下邳王衍梁王暢始就國建初三年章帝不忍與諸

王乖離皆留京師今遣之國夏四月丙子謁高廟丁丑謁

世祖廟戊寅詔曰昔孝武皇帝致誅胡越

故權收鹽鐵之利武帝使孔僅東郭咸陽乘傳舉行天下鹽鐵作官府收利

私家更不得鑄鐵煮鹽以奉師旅之費自中興以來匈

奴未賓永平末年復修征伐先帝即位務

休力役然猶深思遠慮安不忘危探觀舊

典復收鹽鐵欲以防備不虞寧安邊境而

吏多不良動失其便以違上意先帝恨之

故遺戒郡國罷鹽鐵之禁縱民煮鑄入稅

縣官如故事前書音義曰縣官謂天子其中勅刺史二千

石奉順聖旨勉弘德化布告天下使明知

朕意五月京師旱詔長樂少府相郁侍講

禁中長樂宮之少府也冬十月乙亥以侍中竇

憲為車騎將軍伐北匈奴安息國遣使獻

師子扶拔扶拔解見章紀

永元元年春三月甲辰初令郎官詔除者

得占丞尉以比秩為真漢官儀曰羽林郎出補三百石丞尉自占

丞尉小縣丞尉三百石其次四百石比秩為真皆所以優之

夏六月車騎將軍

竇憲出雞鹿塞今在朔方靈渾縣北關駟十三州志云靈渾縣有大道西北出

度遼將軍鄧鴻出柁陽塞柁陽縣屬

南單于出滿夷谷滿夷谷關

與北匈奴戰於稽落山大破之追至和渠

北鞬海竇憲遂登燕然山刻石勒功而還

北單于遣弟右温禺鞬王鞬音丁奉奏貢

獻秋七月乙未會稽山崩閏月丙子詔曰

匈奴背叛為害久遠賴祖宗之靈師克有

捷醜虜破碎遂掃厥庭詩曰仍執醜虜庭役謂單于所常居也

不再籍猶言不籍再舉萬里清蕩非朕小子眇身

後漢帝紀四

四

李林

雞鹿塞音羊主反

九原郡故城在今勝州銀城縣界柁音固

與北匈奴戰於稽落山大破之追至和渠

北鞬海竇憲遂登燕然山刻石勒功而還

北單于遣弟右温禺鞬王鞬音丁奉奏貢

獻秋七月乙未會稽山崩閏月丙子詔曰

匈奴背叛為害久遠賴祖宗之靈師克有

捷醜虜破碎遂掃厥庭詩曰仍執醜虜庭役謂單于所常居也

不再籍猶言不籍再舉萬里清蕩非朕小子眇身

所能克堪有司其案舊典告類薦功以章
休烈類祭天也書曰類于上帝九月庚申以車

騎將軍竇憲為大將軍以中郎將劉尚為
車騎將軍冬十月令郡國弛刑輸作軍營

其徙出塞者刑雖未竟皆免歸田里庚子
阜陵王延薨是歲郡國九大水

二年春正月丁丑大赦天下二月壬午日
有食之東觀記曰史官不覺涿郡言之己亥復置西河上郡

屬國都尉官前書西河郡美稷縣上郡龜茲縣並有屬國都尉其秩比二千石十

後漢帝紀四五陳夏五月庚

戌分太山為濟北國分樂成涿郡勃海為
河閒國丙辰封皇弟壽為濟北王開為河

閒王淑為城陽王紹封故淮陽王昞子側
為常山王賜公卿以下至佐史錢布各有

差己未遣副校尉閻磐討北匈奴取伊吾
盧地丁卯紹封故齊王晃子無忌為齊王

北海王睦子威為北海王車師前後王並
遣子入侍車師有後王前王前王即後王之月氏國

遣兵攻西域長史班超超擊降之六月辛卯中山王焉薨秋七月乙卯大將軍竇憲出屯涼州九月北匈奴遣使稱臣冬十月遣行中郎將班固報命南單于遣左谷蠡王師子左谷蠡匈奴王號師子其名也谷音鹿蠡音離出雞鹿塞擊北匈奴於河雲北大破之

三年春正月甲子皇帝加元服元首也謂加冠者先筮日後筮賓東觀記曰時太后詔袁安為賓賜束帛乘馬賜諸侯王公將

軍特進漢官儀曰諸侯功德優盛朝廷所敬異者賜位特進在三公下中二千

後漢帝紀四

六

華定

石列侯宗室子孫在京師奉朝請者黃金

奉朝請無員三公外戚宗室諸侯多奉朝請漢律春曰朝秋曰請將大夫郎吏

從官帛將謂五官及左右郎將也大夫謂光祿太中中散諫議大夫也十三州志曰大夫皆

掌顧問應對言議夫之言扶也言能扶持君父也賜民爵及粟帛各有

差大酺五日郡國中都官繫囚死罪贖練

至司寇及亡命各有差庚辰賜京師民酺

布兩戶共一匹二月大將軍竇憲遣左校

尉耿夔出居延塞居延縣屬張掖郡居延澤在東北武帝使伏波將軍路博

德築遮虜障於居延城圍北單于於金微山大破之獲

其母關氏

關氏匈奴后之號也音焉支

夏六月辛卯尊皇

太后母比陽公主

東海恭王疆女

為長公主辛丑

阜陵王种薨

阜陵王延之子

冬十月癸未行幸長

安詔曰北狄破滅名王仍降

仍頻也

西域諸

國納質內附豈非祖宗迪哲重光之鴻烈

歟

迪蹈也言由祖宗蹈履明智有重光累聖之德成此大業也書曰茲四人迪哲又曰宣重光也

寤

寐歎息想望舊京其賜行所過二千石長

吏已下及三老官屬錢帛各有差繇寡孤

獨篤瘡貧不能自存者粟人三斛十一月

後漢帝紀四

七

陳從

癸卯祠高廟遂有事十一陵詔曰高祖功

臣蕭曹為首有傳世不絕之義曹相國後

容城侯無嗣朕望長陵東門見二臣之壠

東觀記曰蕭何墓在長陵東司馬門道北百步廟記云曹參冢在長陵旁道北近蕭何冢

循其

遠節每有感焉忠義獲寵古今所同可遣

使者以中牢祠大鴻臚求近親宜為嗣者

須景風紹封以章厥功

續漢志曰大鴻臚掌封拜諸侯及其嗣春

秋考異郵曰夏至四十五日景風至則封有功也

十二月復置西域都

護騎都尉戊己校尉官庚辰至自長安滅

施刑徒從駕者刑五月

四年春正月北匈奴右谷蠡王於除鞬自

立為單于款塞乞降於除鞬其名也鞬音九言反遣大將

軍左校尉耿夔授璽綬東觀記曰賜玉具劍羽蓋車一駟中郎將

持節衛護焉三月癸丑司徒袁安薨閏月丁丑

太常丁鴻為司徒夏四月丙辰大將軍竇

憲還至京師六月戊戌朔日有食之丙辰

郡國十三地震竇憲潛圖弑逆庚申幸北

宮詔收捕憲黨射聲校尉郭璜郭況子也東觀記曰

璜作璿音同璜子侍中舉衛尉鄧疊疊弟步兵

校尉磊皆下獄死使謁者僕射續漢書曰謁者僕射一人

謁者天子出奉引也收憲大將軍印綬遣憲

及弟篤景就國到皆自殺是夏旱蝗秋七

月己丑太尉宋由坐黨憲自殺八月辛亥

司空任隗薨任光子也癸丑大司農尹睦為太

尉錄尚書事錄謂總領之也錄尚書自牟融始也丁巳賜公卿以

至佐史錢穀各有差冬十月己亥宗正

為司空十二月壬辰詔今年郡國秋

稼為旱蝗所傷其什四以上勿收田租芻

藁有不滿者以實除之所損十不滿四者以見損除也武陵

零陵澧中蠻叛燒當羌寇金城

五年春正月乙亥宗祀五帝於明堂遂登

靈臺望雲物大赦天下戊子千乘王伉薨

辛卯封皇弟萬歲為廣宗王廣宗縣名今貝州宗城縣隨煬

帝諱廣故改為宗城二月戊戌詔有司省減內外廩及

涼州諸苑馬說文曰廩馬舍也漢官儀曰未央大廩長樂承華等廩令皆秩六百石又

云牧師諸苑三十六所分置西北邊分養馬三十萬頭自京師離宮異園

後漢帝紀四

九

林俊

上林廣成園悉以假貧民恣得采捕不收

其稅丁未詔曰去年秋麥入少恐民食不

足其上尤貧不能自給者戶口人數往者

郡國上貧民以衣履釜爨鬻為貲而豪右得

其饒利鬻音尋方言曰鬻自關而東謂之鬻貧人既計釜鬻以為資財懼於役重多即賣之

以避科稅豪富之家乘賤買故得其饒利詔書實覈說文云覈考實事也欲有

以益之而長吏不能躬親反更徵召會聚

令失農作愁擾百姓若復有犯者二千石

先坐甲寅太傅鄧彪薨戊午隴西地震三

月戊子詔曰選舉良才為政之本科別行

能必由鄉曲周禮鄉大夫掌其鄉之政教考其德行察其道藝三年而舉賢能者於王

而郡國舉吏不加簡擇故先帝明勅在所

今試之以職乃得充選漢官儀曰建初八年十月二月己未詔書辟士四

科一曰德行高妙志節清白二曰經明行脩能任博

士三曰明曉法律足以決疑能察章覆問文任御史

四曰剛毅多略遭事不惑明足照燕勇足決斷才任

三輔令皆存孝悌清公之行自今已後審四科辟召

及刺史二千石察舉茂才尤異孝廉吏務實校試以

職有非其人不習曹事正舉者故不以實法

又德行尤異不須經職者別署狀上而宣

布以來出入九年二千石曾不承奉恣心

從好司隸刺史訖無糾察也今新蒙赦

令且復申勅後有犯者顯明其罰在位不

以選舉為憂督察不以發覺為負負亦非

獨州郡也是以庶官多非其人下民被姦

邪之傷由法不行故也庚寅遣使者分行

貧民舉實流冗冗散也流散者舉開倉賑稟

三十餘郡夏四月壬子封阜陵王种兄魴

為阜陵王种無嗣故六月丁酉郡國三雨雹

如鴈子觀記曰秋九月辛酉廣宗二萬歲薨無子

後漢帝紀四

十

郭傳

國除匈奴單于於除韃叛遣中郎將任尚

討滅之壬午令郡縣勸民蓄蔬食以助五

穀蓄積也其官有陂池令得采取勿收假稅

二歲假猶租賃冬十月辛未太尉尹睦薨漢官儀曰

睦字伯師鞏人十一月乙丑太僕張酺為太尉是歲

武陵郡兵破叛蠻降之護羌校尉費友討

燒當羌羌乃遁去南單于安國叛骨都侯

喜斬之

六年春正月永昌徼外夷遣使譯獻犀牛

後漢帝紀四

十一

李精

大象己卯司徒丁鴻薨二月乙未遣謁者

分行稟貸三河究冀青州貧民許侯馬光

自殺東觀記曰光前坐黨附竇憲歸國為憲客奴所誣告乃自殺丁未司空

劉方為司徒太常張奮為司空三月庚寅

詔流民所過郡國皆實稟之其有販賣者

勿出租稅漢循周法商賈有稅流人販賣故矜免之又欲就賤還

歸者復一歲田租更賦復音福丙寅詔曰朕

以眇末承奉鴻烈陰陽不和水旱違度濟

河之域凶饑流亡尚書曰濟河惟兗州言東南據濟西北距河而

未獲忠言至謀所以匡救之策寤寐永歎

用思孔疚孔甚也疚病也詩云憂心孔疚惟官人不得於上

黎民不安于下有司不念寬和而競為苛

刻覆案不急以妨民事不急謂非要甚非所以

上當天心下濟元元也思得忠良之士以

輔朕之不逮其令三公中二千石二千石

內郡守相舉賢良方正能直言極諫之士

各一人昭巖穴披幽隱遣詣公車前書音義曰公車署

名也公車所在故以名焉漢官儀曰公車令一人秩六百石掌殿門諸上書詣闕下者皆集奏之凡所徵

後漢帝紀四

十二

李芳

召亦總領之朕將悉聽焉帝乃親臨策問選補

郎吏夏四月蜀郡徼外羌率種人遣使內

附五月城陽王淑薨無子國除章帝子也六月

己酉初令伏閉盡日漢官舊儀曰伏日萬鬼行故盡日閉不干它事秋

七月京師旱詔中都官徒各除半刑謫其

未竟五月已下皆免遣丁巳幸洛陽寺寺官

舍也風俗通云寺嗣也理事之吏嗣續於其中錄囚徒舉寃獄收洛

陽令下獄抵罪司隸校尉河南尹皆左降

未及還官而澍雨西域都護班超大破焉

者尉犁斬其王自是西域降服納質者五十餘國南單于安國從弟子逢侯率叛胡亡出塞九月癸丑以光祿勳鄧鴻行車騎將軍事與越騎校尉馮柱行度遼將軍朱徽使匈奴中郎將杜崇討之冬十一月護

烏桓校尉任尚率烏桓鮮卑大破逢侯關

十三州志曰護烏丸擁節秩比二千石武帝置以護內附烏丸既而并於匈奴中郎將中興初班彪上言

宜復此官以招附馮柱遣兵追擊復之詔以勃

東胡乃復更置焉海郡屬冀州武陵淩中蠻叛郡兵討平之

後漢帝紀四

十三

三五

七年春正月行車騎將軍鄧鴻度遼將軍

朱徽中郎將杜崇皆下獄死時南單于安國與崇不相平乃

上書告崇崇令斷其章緣此驚叛夏四月辛亥

安國卒見殺帝後知之皆徵下獄胡日有食之帝引見公卿問得失令將大

夫御史謁者博士議郎郎官會廷中各言

封事十三州志曰侍御史周官即柱下史秩六百石掌注記言行糾諸不法負十五人出有所

案則稱使者焉謁者秦官也負七十人皆選孝廉年未五十曉解備替者歲盡拜縣令長史及都官府丞

長史博士秦官博通古今秩皆六百石孝武初置五經博士後稍增至十四負取聰明威重者一人為祭

酒主領焉議郎郎官皆秦官也詔曰元首不明允無所掌秩六百石或四百石

化流無良政失於民謫見于天

謫譴責也禮曰陽事不得

譴見于天日為之食

深惟庶事五教在寬是以舊典

因孝廉之舉以求其人

武帝元光元年董仲舒初開其議詔郡國舉孝

廉各一人

有司詳選郎官寬博有謀才任典城

者三十人

任堪也音仁林反

既而悉以所選郎出

補長相

長縣長相侯相也十三州志云縣為侯邑則令長為相秩隨令長本秩

五

月辛卯改千乘國為樂安國

千乘故城在今淄州高苑縣北

樂安城在今青州博昌縣南

六月丙寅沛王定薨秋七月

乙巳易陽地裂

易陽縣在易水之陽今易州也

九月癸卯

京師地震

八年春二月己丑立貴人陰氏為皇后賜

天下男子爵人二級三老孝悌力田三級

民無名數及流民欲占者一級鰥寡孤獨

篤癯貧不能自存者粟人五斛夏四月癸

亥樂成王黨薨甲子詔賑貸并州四郡貧

民五月河內陳留蝗南匈奴右温禺犢王

叛為寇秋七月行度遼將軍龐奮越騎校

尉馮柱追討之斬右温禺犢王車師後王

叛擊其前王八月辛酉飲酎詔郡國中

官繫囚減死一等詔敦煌戎其犯大逆募

下蠶室其女子宮自死罪已下至司寇及

亡命者入贖各有差九月京師蝗吏民言

事者多歸責有司詔曰蝗蟲之異殆不虛

生禮記月令曰孟夏行春令則蝗蟲為災萬方有

罪在予一人而言事者專咎自下非助我

者也朕寤寐矜思弭憂釁尚書曰惇矜乃

昔楚嚴無災而懼身欲除之也矜音古頑反

後漢帝紀四

十五

王九歲

成王出郊而反風成王疑周公天乃大風

將何以匡朕不逮以塞災變百

僚師尹勉修厥職刺史二千石詳刑辟理

冤虐恤鰥寡矜孤弱思惟致災興蝗之咎

庚子復置廣陽郡高帝時燕國也昭帝元鳳元年為廣陽郡宣帝本始元年

冬十月乙丑北海王威有罪自殺海北

十二月辛亥陳王羨薨丁巳南宮

宣室殿火

九年春正月永昌徼外蠻夷及揮國重譯

奉貢

禪音擅東觀記作擅俗本以禪字相類或三作禪者誤也說文曰譯傳四夷之語也

三

月庚辰隴西地震癸巳濟南王康薨西域

長史王林擊車師後王斬之夏四月丁卯

封樂成王黨子巡為樂成王六月蝗旱戊

辰詔今年秋稼為蝗蟲所傷皆勿收租更

芻橐若有所損失以實除之餘當收租者

亦半入其山林饒利陂池漁採以贍元元

勿收假稅秋七月蝗蟲飛過京師八月鮮

卑寇肥如

肥如縣屬遼西郡前書音義曰肥子奔燕封於此今平州也

遼東

後漢帝紀四

一六

王莽後

太守祭參下獄死

東觀記曰鮮卑千餘騎攻肥如城殺略吏人祭參坐沮敗

下獄

誅 閏月辛巳皇太后竇氏崩丙申葬章

德皇后燒當羌寇隴西殺長吏遣行征西

將軍劉尚越騎校尉趙世等討破之九月

庚申司徒劉方策免自殺甲子追尊皇妣

梁貴人為皇太后冬十月乙酉改葬恭懷

梁皇后于西陵

謚法曰正德美容曰恭執義揚善曰懷東觀記曰改殯承光宮

儀比勸園初后葬有闕

十一月癸卯光祿勳河

實后崩後乃議改葬

蓋字君上

十二月丙寅司

南曰蓋蓋為司徒

苑陵人也

空張奮罷壬申太僕韓稜為司空己丑復

置若盧獄官

前書曰若盧獄屬少府漢舊儀曰主鞠將相大臣也

十年春三月壬戌詔曰隄防溝渠所以順

助地理通利壅塞

禮記月令曰季春之月修利隄防導達溝瀆開通道路無

有障塞

今廢慢懈弛不以為負刺史二千石

其隨宜疏導勿因緣妄發以為煩擾將顯

行其罰夏五月京師大水

東觀記曰京師大雨南山水流至

東郊壤人廬舍

秋七月己巳司空韓稜薨八月丙

子大常大山巢堪為司空

堪字次朗大山南城人

九月

後漢帝紀四

十七

王素

庚戌復置廩犧官

漢官儀曰廩犧令一人秩六百石也

冬十月

五州雨水十二月燒當羌豪迷唐等率種

人詣闕貢獻戊寅梁王暢薨

十一年春二月遣使循行郡國稟貸被災

害不能自存者令得漁采山林池澤不收

假稅丙午詔郡國中都官徒及篤癯老小

女徒各除半刑其未竟三月者皆免歸田

里夏四月丙寅大赦天下己巳復置右校

尉官

東觀記曰置在西河鵠澤縣

秋七月辛卯詔曰吏

民踰僭厚死傷生是以舊令節之制度頃者貴戚近親百僚師尹莫肯率從有司不舉怠放日甚又商賈小民或忘法禁竒巧靡貨流積公行其在位犯者當先舉正市道小民但且申明憲網勿因科令加虐羸弱

十二年春二月旄牛徼外白狼獾薄夷率

種人內屬

闕駟十三州志曰旄牛縣屬蜀郡前詔書曰旄牛所出歲貢其尾以爲節旄

貸被灾諸郡民種糧賜下貧鰥寡孤獨不

後漢帝紀四

十八

直發

能自存者及郡國流民聽入陂池漁采以

助蔬食三月丙申詔曰比年不登百姓虛

匱

匱乏也

京師去冬無宿雪

以其經冬故言宿也

今春

無澍雨黎民流離困於道路朕痛心疾首

靡知所濟瞻仰昊天何辜今人

詩大雅周宣王遇旱之詩

言今人何罪而天令饑饉乎

三公朕之腹心而未獲承天

安民之策數詔有司務擇良吏今猶不改

競爲苛暴侵愁小民以求虛名委任下吏

假執行邪是以令下而姦生禁至而詐起

董仲舒曰法出而巧法析律飾文增辭禮記

破律也化負行於言罪成乎手朕甚病焉公

卿不思助明好惡將何以救其咎罰各罰

既至復令灾及小民若上下同心庶或有

瘳其賜天下男子爵人二級三老孝悌力

田三級民無名數及流民欲占者人一級

鰥寡孤獨篤瘡貧不能自存者粟人三斛

壬子賜博士負弟子在太學者布人三匹

武帝時置博士弟子太常擇人年十八以上儀狀端正者補焉昭帝增負滿百人宣帝倍之元帝更設負

後漢帝紀四

十九

陳從

千人成帝更增負三千人夏四月日南象林蠻夷反象林縣屬

日南郡今鬱林州郡兵討破之閏月賑貸敦煌張掖

五原民下貧者穀戊辰秭歸山崩秭歸縣屬南郡

古之蔓國今歸州也素山松曰屈原此縣人既被流放忽然斲歸其姊亦來因名其地為秭歸秭亦姊也

東觀記曰秭歸山高四百餘丈崩填谿水厭殺百餘人六月舞陽大水賜

被水灾尤貧者穀人三斛秋七月辛亥朔

日有食之九月戊午太尉張酺免丙寅大

司農張禹為太尉冬十一月西域蒙奇兜

勒二國遣使內附賜其王金印紫綬是歲

燒當羌復叛

十三年春正月丁丑帝幸東觀覽書林閱
篇籍博選術藝之士以充其官二月任城
王尚薨丙午賑貸張掖居延朔方日南貧
民及孤寡羸弱不能自存者秋八月詔象
林民失農桑業者賑貸種糧稟賜下貧穀
食己亥北宮盛饌門閣火護羌校尉周鮪
擊燒當羌破之荆州雨水九月壬子詔曰
荆州比歲不節今茲淫水為害

後漢帝紀四

二十

李棠

止淫水高誘注云平地出水為淫水餘雖頗登二多不均澹澹洽深

惟四民農食之本慘然懷矜其令天下半
入今年田租芻藁有宜以實除者如故事

貧民假種食皆勿收責冬十一月安息國

遣使獻師子及條枝大爵

西域傳曰安息國居和犢城去洛陽

二萬五千里條支國臨西海出師子大雀郭義恭廣志曰大爵頸及身膺蹄都似橐駝舉頭高八九尺張翅丈餘食大麥其卵如甕即今之駝鳥也丙辰詔曰幽并涼州戶口

率少邊役衆劇束脩良吏進仕路狹撫接

夷狄以人為本其令緣邊郡口十萬以上

歲舉孝廉一人不滿十萬二歲舉一人五萬以下三歲舉一人鮮卑寇右北平遂入

漁陽漁陽太守擊破之戊辰司徒呂蓋罷

十二月丁丑光祿勳魯恭為司徒辛卯巫

蠻叛寇南郡

巫縣屬南郡故城在今夔州巫山縣也

十四年春二月乙卯東海王政薨繕修故

西海郡

平帝時金城塞外羌獻地以為西海郡也光武建武中省金城入隴西郡至是復繕

修之金城即今蘭州縣也徙金城西部都尉以戌之三月

戊辰臨辟雍饗射大赦天下夏四月遣使

後漢書紀四

二十一

陳從

者督荊州兵討巫蠻破降之庚辰賑貸張

掖居延敦煌五原漢陽會稽流民下貧穀

各有差五月丁未初置象林將兵長史官

闕駟十三州志曰將兵長史居在日南郡又有將兵司馬去雒陽九千六百三十里六月辛

卯廢皇后陰氏后父特進綱自殺秋七月

甲寅詔復象林縣更賦田租芻藁二歲壬

子常山王側薨是秋三州雨水冬十月甲

申詔兗豫荊州今年水雨淫過多傷農功

其令被害什四以上皆半入田租芻藁其

不滿者以實除之辛卯立貴人鄧氏為皇后
后丁酉司空巢堪罷十一月癸卯大司農
徐防為司空是歲初復郡國上計補郎官
上計今計吏也前書音義曰舊制使郡丞奉歲計武帝元朔中令郡國舉孝廉各一人與計偕拜為郎中中廢今復之

十五年春閏月乙未詔流民欲還歸本而無糧食者過所實稟之疾病加致醫藥其不欲還歸者勿強二月詔稟貸潁川汝南

陳留江夏梁國敦煌貧民前書音義曰陳留本鄭邑也後為陳

後漢帝紀四

二十二

陳仲

所并故曰陳留今汴州縣也江夏郡高帝置沔水自江別至南郡華容為夏水過郡入江故曰江夏

四月甲子晦日有食之五月戊寅南陽大

風六月詔令百姓鰥寡漁采陂池勿收假

稅二歲秋七月丙寅濟南王錯薨錯音七故反

復置涿郡故安鐵官續漢書曰其郡縣有鹽官鐵官者隨事廣狹置令長

及丞秩次皆如縣也九月壬午南巡狩清河王慶濟北

王壽河間王開並從賜所過二千石長吏

以下三老官屬及民百年者錢布各有差

是秋四州雨水冬十月戊申幸章陵祠舊

宅癸丑祠園廟會宗室於舊廬勞賜作樂

戊午進幸雲夢臨漢水而還雲夢今安州縣也即在雲夢澤

中十一月甲申車駕還宮賜從臣及留者

公卿以下錢布各有差十二月庚子琅邪

王宇薨有司奏以為夏至則微陰起靡草

死可以決小事禮記月令曰孟夏之月靡草死

云靡草薺亭歷之屬臣賢案五月一陰交生可以言

微陰今月令云孟夏乃是純陽之月此言夏至者與

月令不同是歲初令郡國以日北至案薄刑

後漢帝紀四

三三

三非

十六年春正月己卯詔貧民有田業而以

匱乏不能自農者貸種糧二月己未詔究

豫徐冀四州比年雨多傷稼禁沽酒夏四

月遣三府掾分行四州貧民無以耕者為

雇犁牛直五月壬午趙王商薨秋七月旱

戊午詔曰今秋稼方穗而旱雲雨不霑疑

吏行慘刻不宣恩澤妄拘無罪幽閉良善

所致其一切囚徒於法疑者勿決以奉秋

令禮記月令曰孟秋之月命有司修法方察煩苛

制繕囹圄具桎梏斷薄刑決小罪

之吏顯明其罰辛酉司徒魯恭免庚午光

祿勳張酺為司徒辛巳詔今天下皆半入

今年田租芻稟其被災害者以實除之貧

民受貸種糧及田租芻稟皆勿收責八月

己酉司徒張酺薨冬十月辛卯司空徐防

為司徒大鴻臚陳寵為司空十一月己丑

行幸緱氏登百岨山即柏岨山也在洛州緱氏縣南爾雅云山一成曰岨

東觀記作坯並音平眉反賜百官從臣布各有

差北匈奴遣使稱臣貢獻十二月復置遼

東西部都尉官西部都尉安帝時以為屬國都尉在遼東郡昌黎城也

後漢書紀四

二十四

陳援

元興元年春正月戊午引三署郎召見禁

中漢官儀三署謂五官署也左右署也各置中郎將以司之郡國舉孝廉以補三署郎年五十以上屬

五官其次分在左右署凡有中郎議郎侍郎郎中四等無負禁中者門戶有禁非侍御者不得入故謂禁

中選除七十五人補謁者長相高句驪寇

郡界夏四月庚午大赦天下改元元興宗

室以罪絕者乘復屬籍五月癸酉雍地裂

東觀記曰右扶風雍地裂秋九月遼東太守耿

流俗本雍下有州者誤也夔擊貊人破之冬十二月辛未帝崩于章

德前殿年二十七立皇子隆為皇太子賜

天下男子爵人二級三老孝悌力田人三級民無名數及流民欲占者人一級鰥寡孤獨篤癯貧不能自存者粟人三斛自竇憲誅後帝躬親萬機每有灾異輒延問公卿極言得失前後符瑞八十一所自稱德薄皆抑而不宣舊南海獻龍眼荔支十里

一置五里一候

南海郡秦置今廣州縣也廣雅曰益智龍眼也交州記曰龍眼樹高

五六丈似荔支而小廣州記曰子似荔支而實七月熟荔支樹高五六丈大如桂樹實如雞子甘而多汁似安石榴有甜醋者至日禺中翕然俱赤即可食置謂驛也奔騰阻險死者

後漢帝紀四

二十五

毛仙

繼路時臨武長汝南唐羌縣接南海

臨武縣屬

桂陽郡今郴州縣也

乃上書陳狀帝下詔曰遠國珍羞

本以薦奉宗廟苟有傷害豈愛民之本其

勅太官勿復受獻由是遂省焉

謝承書曰唐羌字伯

游辟公府補臨武長縣接交州舊獻龍眼荔支及生鮮獻之驛馬晝夜傳送之至有遭虎狼毒害頓仆死亡不絕道經臨武羌乃上書諫曰臣聞上不以滋味為德下不以貢膳為功故天子食太牢為尊不以果實為珍伏見交阯七郡獻生龍眼等鳥驚風發南州土地惡蟲猛獸不絕於路至於觸犯死亡之害死者不可復生來者猶可救也此二物外殿未必延年益壽帝從之章報羌即弃官還家不應徵召著唐子三

十餘篇

論曰自中興以後逮于永元雖頗有弛張

而俱存不擾是以齊民歲增闢土世廣齊平

也偏師出塞則漠北地空都護西指則通

譯四萬西域傳曰班超定西域五十餘國皆降服西至海瀕四萬里皆重譯貢獻豈

其道遠三代術長前世將服叛去來自有

數也

孝殤皇帝諱隆謚法曰短折不成曰殤古今注曰隆之字曰盛和帝

少子也元興元年十二月辛未夜即皇帝

位時誕育百餘日誕大也詩大雅誕彌厥月先生如達鄭玄注云大矣后稷

後漢帝紀四

二六

原

之在其母懷也終人道十月而生詩又云載生載育育長也達音它末反尊皇后曰皇

太后太后臨朝儀見皇后紀北匈奴遣使稱臣

詣敦煌奉獻

延平元年春正月辛卯太尉張禹為太傅

司徒徐防為太尉參錄尚書事百官總已

以聽封皇兄勝為平原王癸卯光祿勳梁

鮪為司徒漢官儀曰鮪字伯元河東平陽人也三月甲申葬孝

和皇帝于慎陵在洛陽東南三十里俗本作順者誤尊廟曰穆

宗丙戌清河王慶濟北王壽河間王開常

山王章始就國夏四月庚申詔罷祀官不

在祀典者東觀記曰鄧太后雅性不好淫祀鮮卑寇漁陽漁

陽太守張顯追擊戰沒丙寅以虎賁中郎

將鄧騭為車騎將軍司空陳寵薨五月辛

卯皇太后詔曰皇帝幼冲承統鴻業朕且

權佐助聽政兢兢寅畏寅敬也不知所濟深

惟至治之本道化在前刑罰在後將稽中

和廣施慶惠與吏民更始其大赦天下自

建武以來諸犯禁錮詔書雖解有司持重

後漢帝紀四

二十

陳考

多不奉行其皆復為平民壬辰河東垣山

崩垣縣今絳州縣也古今注曰山崩長七丈廣四丈六月丁未太常尹

勤為司空郡國三十七雨水己未詔曰自

夏以來陰雨過節燠氣不效效猶驗也將有厥

咎寤寐憂惶未知所由昔夏后惡衣服菲

飲食孔子曰吾無閒然菲薄也今新遭大

憂且歲節未和徹膳損服庶有補焉其減

太官導官尚方內署諸服御珍膳靡麗難

成之物太官今周官也秩千石典天子厨膳導官掌擇御米導擇也尚方掌作御刀劍諸哭

物內署掌內府衣物秩皆六百石並見續漢書丁卯詔司徒大司農長

樂少府曰朕以無德佐助統政夙夜經營

懼失厥衷思惟治道由近及遠先內後外

自建武之初以至于今八十餘年宮人歲

增房御彌廣又宗室坐事没入者猶託名

公族甚可愍焉今悉免遣及掖庭宮人皆

為庶民以抒幽隔鬱滯之情抒舒也食汝反諸官

府郡國王侯家奴婢姓劉及疲瘡羸老皆

上其名務令實悉秋七月庚寅勅司隸校

後漢帝紀四

二十八

王充

尉部刺史秦有監御史監諸郡漢省之但置丞相史分刺諸州無有常官孝武帝初置

刺史十三人秩六百石成帝更為牧秩二千石建武十八年復為刺史十一人各主一州其一州屬司隸

校尉諸州常以八月巡行所部郡國錄囚徒考殿最初歲盡詣京都奏事中興但因計吏見續漢書曰

夫天降灾戾應政而至間者郡國或有水

灾妨害秋稼朝廷惟咎憂惶悼懼而郡國

欲獲豐穰虛飾之譽遂覆蔽灾害多張墾

田不揣流亡揣音初委反競增戶口掩匿盜賊

令姦惡無懲署用非次選舉乖宜貪苛慘

毒延及平民平民謂善人也書曰延于平人刺史垂頭塞耳

阿私下比不畏于天不愧于人詩小雅也假貸

之恩不可數恃自今以後將糾其罰二千

石長吏其各實覈所傷害只為除田租芻藁

八月辛亥帝崩癸丑殯于崇德前殿年二

歲

贊曰孝和沈烈率由前則王赫自中賜命

彊慝慝惡也謂誅膏憲等抑沒祥符登顯時德謂用鄧

也政殤世何早平原弗克平原王勝以固疾不

荷負

後漢帝紀卷第四



